

戰 大 界 世 次 二

歐 戰 述 評

一 卷

歐 戰 總 論

塞 翁 編

1 9 4 5 .

第二次世界大戰  
歐戰述評  
一卷  
歐戰總論

塞翁編

1945

二次世界大戰 歐戰述評

(卷一) 歐戰總論

版權所有。不准翻印

編者：寒復  
發行：興出版  
印刷：東南合作印刷廠  
總經理處：中國合作經濟研究會  
分銷處：戰地圖書出版社

翁  
地址：南平明遠路  
地址：福建崇安赤石  
地址：福建崇安赤石  
地址：鉛山朱熹路

中華民國三十四年一月初版

定價：貳百元 預約：八折優待  
全價：壹千伍百元 批購：七折優待

# 弁言

此次大戰，本屬世界性：海以三大洋爲戰場，六大洲爲根據；陸以東半球爲前線，西半球爲策源，至於歐戰，僅世界戰之一役耳，未便單提而專論也。但爲減少篇幅之冗繁，乃承上次歐戰之端委，作二次歐戰之述評。且以此次歐戰經過之迅烈，國家淪亡之衆多，以及外交政略之詭譎，軍事技術之新奇，無有出其右者；作者並可置身局外，言所欲言，指出興亡勝敗關鍵，以資觀感，提出政略戰略問題，以供研究，此編述之初衷也。

雖然戰史編述，談何容易？非身歷其境者，不能洞明真相，亦非個人之力，所可臧事。彼第一次歐戰戰史，當時國家，均以政府力量，主持編修，經過十餘年，尙有未完成者；又况二次歐戰，仍在進行，而規模之大，戰役之多，更倍徙於往昔？自非區區所能詳盡矣。草擬之時，又當抗戰中途，國際交通，被敵封鎖，已陷於窮僻昏陋之境；是以積稿盈篋，亦未嘗卽作問世之想。惟期停戰以後，歐土重遊，實際戰場，親加考察；

二次歐戰述評

屆時中外人士之評述者既多，交戰國之文獻公佈者亦實；然後廣徵博引，精審校刊，或可免於大疵。無知近來轉入敵圍，或虞流竄，稿件散失，不無可惜；乃未及剪裁，倉卒付印，自知蕪淺，非敢就正于高明；實所以輕個人之行篋也。

塞翁三十四年一月

二次世界大戰歐戰述評

卷一 歐戰總論目次

第一篇 二次歐戰原因

第一章 凡爾賽和約之影響

第二章 世界性戰爭之激盪

第三章 歐洲列強政略衝突

第四章 歐洲列強軍備競爭

第二篇 二次歐戰經過

第一章 中北歐之序幕戰

第二章 西歐之陸海空戰

第三章 地中海兩岸之爭奪

第四章 東歐之決戰

第五章 歐洲堡壘之陷落

### 第三篇 二次歐戰結果

第一章 二次歐戰之尾聲

第二章 又從軍事到政治

## 二次歐戰述評卷一

# 歐戰總論

## 第一篇 二次歐戰原因

戰爭之目的，在於追求和平，戰爭之原因，在於不能和平；不能和平之原因，固然甚多，但從根本上推究，不外感情與生活之不得其平。原始戰爭之發生，均由食色而起，即受感情刺激與生活壓迫，以從事鬥爭。人類自從有歷史以來，已經五、六千年了；其中鬥爭之原因，並無差異。起於食慾之鬥爭，由感情而發展至於氏族部落民族等政治性之戰爭；起於食慾之鬥爭，由生活而發展至於國家社會國際等經濟性之戰爭，有史以來之一切戰爭記載，如酋長王位霸權及宗教與民族國家等戰爭，乃偏重於感情或政治之原因；又如一切內亂與社會革命及帝國主義等戰爭，乃偏重於生活或經濟之原因。



現代帝國主義之戰爭雖偏重於經濟方面，但究其實，已綜合以上人類有史以來一切戰爭之原因：遠如英法百年戰爭，乃霸權與經濟之鬥爭；近如第一次歐戰，主要則為爭奪殖民地之戰爭；此次歐戰，仍為殖民戰爭之繼續。弱小民族，不甘滅亡，奮起抵抗之戰爭，其政治原因，尤重於經濟；強大國家，侵略弱小，造成民族與經濟上之絕對不平，發生殖民地侵略與抵抗之戰爭；而強國之間，更互相侵奪殖民地，而發生殖民地之爭奪與把持之戰爭；故人類感情與生活上之不平莫甚於今日；可云皆為帝國主義制度所造成；因此掀起並擴大人類有史以來之最大戰爭。人類無不願有和平生活，而畏懼戰爭；但以生於今日帝國主義戰爭時代，惟有從事戰爭，方能取得生活。

猶憶上次歐戰時，歐洲人士，曾高呼「以戰止戰」；美更謂「此乃世界最後一次之戰爭」；最後蘇俄亦謂「這是最後的爭鬥」。乃二十年後，慘酷戰禍，又復重演於歐洲以及全世界，推究其因，仍不外殖民地之爭奪與把持；所以此次歐戰之原因，遡溯之仍為人類原始戰爭之發展；近視之則為上次歐戰之繼續；並非戰爭歷史有循環之必然性，乃人類間——民族國家——之生活與感情，一向未得其平；苟人類一日不得其平，則戰爭一日不能避免。

上次歐戰之原因，詳細推究，因為交戰國家，各有目的，所有原因，自各不相同；在客觀方面，為英德帝國主義對殖民地之爭奪戰；德法帝國主義之西歐爭霸戰；條頓族與斯拉夫族為爭取波羅的海管理權之戰；若在土、保、塞、羅方面，為巴爾幹各國爭奪領土戰；以捷克人、克羅茲人與意大利人立場言之，則為粉碎奧匈帝國之獨立戰爭；以阿拉伯人希臘人之立場言，則為反土耳其帝國之解放戰爭；再以美利堅人論之，則為民主德謨克拉西之戰爭。而至最後，又展為全世界反蘇維埃共產主義之戰爭；又在俄羅斯人論之，則為反帝國主義之最後共產國際戰爭。以上如許衆多之戰爭目的，姑不論其原因如何複雜，自其根本上觀之，實不過一部分國家，戰前感受不平，而自戰之後，其不平之感覺殆為尤甚而已。

第一次歐戰，不平待遇之最具體者，莫過於凡爾賽所訂之和平條約。

## 第一章 凡爾賽和約之影響

凡爾賽條約之成立，本為維持和平；而其最大弱點，即為不能維持和平。誠然理想之和平條約，本為求得和平，欲得和平，必須各方皆能得平等；而事實上有史以來，一切和平條約，均為不平等條約，無乃以凡爾賽和約為甚耳；既不能遵從法國福煦與克利孟梭主張，造成一武裝和平之歐洲，使德不能報復；亦不能尊重美國威爾遜之提議，造成一正義和平之歐洲，使德不欲報復；而於兩極端間，勉強尋一不澈底之方案，即既非武裝和平，又非正義和平，致使德國蓄意報復，力圖報復，而英法亦且無心合作，無力制止。

最初英法本藉凡爾賽和約，對德壓迫，并以羅馬對迦太基之和平方式，使德意志民族，分崩離散；如剝奪其航運與殖民地，加重其賠款負擔，達一千三百二十萬萬金馬克之鉅；實物賠償如輪船火車礦產畜類等亦絕鉅，以根絕其經濟之發展；更以強迫裁軍以粉碎其國防軍之實力，故凡爾賽和約之不公允，亦曾為英美主張正義與遠見之人士所公

認。戰後德國，正不知以此博得世界若干之同情。

是以美於一九二四年後，相繼以道威士 Daves' Pan 與揚格計劃、Young's Plan 助德經濟復興；英法亦曾於一九二六年迎德加入國聯，樹立平等條約之根基，甚至一般夢想和平人士，於希特勒執政以後，猶一度提出還德非州殖民地之建議，果德僅不滿於和約之不公允，在英法如此逐步退讓下，不難訴諸理智，從容商討。

奈以德國普魯士之傳統精神，讚揚武勇，崇尚報復，反對和平；縱使經濟上能以滿足，精神上亦不能滿足；如克勞塞越子云：「戰爭係政策之繼續」；毛奇云：「戰爭係上帝之意旨」；波哈提云：「戰爭係文明之母」；屈里斯奇云：「國家係由各國衝突中形成者」。加之納粹主義之內在侵略性，更鄙棄和平，崇拜戰爭，舉國上下，無不認武力為澄清國際關係之必要實力。

試觀「我底奮鬥」未刪本中，希特勒曾直言諱：「戰爭是有永久性的，普遍性的。……鬥爭即係生活、生活即係鬥爭」；「無論何人，若真正盼望世界和平，則必須盡其所能，助德以征服世界；全世界為德征服，和平即有實現可能」。具見德侵略野心，決非敷衍讓步之和約所可消弭，是凡爾賽和約之不公允，不過徒假德以振發普魯士好戰

侵略之良好藉口。

然則 爾塞和約，果不足列爲二次歐戰之重要造因乎？則又不然：考侵略之納粹主義，所以能推翻舊時德國之半民主政治者，固由於英法政策，抑歐德人民革命及鼓勵軍閥階級之重建，但大半實由於當初德民熱烈擁護納粹主義之故。而德民之所以不惜任何犧牲，擁護納粹主義，雖由於對君主制之畏懼與對共和制之不信賴，但大半實又因痛恨凡爾塞和約之桎梏，懷疑戰勝國修約之無誠意，以是渴想納粹黨人使用武力，爲德解除束縛，進而收復已失之國土。是以凡爾塞和約所造成者，爲歐洲領土割裂，民族歧視，與經濟矛盾，亦即二次歐戰爆發之最早原因。

### 第一節 領土割裂之影響

歐洲領土之變遷，本非自凡爾塞和約始，然其變遷之烈，遠溯二千年前，愷撒第一次奠定羅馬帝國疆界以來，歐陸版圖，實未有如凡爾塞和約之甚者。戰後地圖，幾令人有不可復識之概。

試觀該和約關於領土之條款，規定德於西部，須將亞爾薩斯 (Alsace) 及洛林 (Lorraine)

aine) 歸與法，由坪 (Eupen) 及馬爾美第 (Malmédy) 讓與比，薩爾 (Saar) 產煤區交由國聯治理十五年，但煤礦須讓與法，以補償戰時法被蹂躪之煤田；其在南部者，德須將一部領土讓與戰後新立之捷克，且和約第八十條，聖日耳曼 (St. Germain) 和約第八十八條，均禁止德奧合併；其在東部者，德須將默麥爾 (Mennel) 港及其腹地割與立陶宛，并以波森 (Posen) 省及西普魯士省之一部——走廊，割與新興之波蘭，同時但澤 (Danzig) 對波蘭之條約關係，劃為自由市，列入波蘭稅區域，其外交關係之主持亦委諸波蘭；此外，上西利西亞 (Upper Silesia) 須舉行民衆投票，雖擁護德波票數為六與四之比，但經國聯行政院之平等折衷，德又喪失該區殆半領土；其於北部者，石勒蘇益格 (Schleswig) 大公領地，本德奪自丹麥，至此被取決民衆投票，北部扇形地中大部又歸與丹麥。總計凡爾賽和約關於領土之條款，共使德於歐陸喪失土地達二萬五千餘方哩，暨幾及七百萬之人口，而於歐陸以外之殖民地，則喪失殆盡。

此外，奧匈帝國之損失，則幾等於消滅。歸讓南提羅爾 (South Tyrol) 及庫斯騰蘭 (Kustenland) 併與意，亞得利亞海 (Adriatic Sea) 沿岸領土，併與新興之南斯拉夫；達琅西尼瓦尼亞 (Transylvania) 暨東部省區，割與羅馬尼亞，加里西亞 (Galicia) 併與波蘭

，斯洛伐克亞(Slovakia)，波希米亞(Bohemia)，摩拉維亞(Moravia)及奧屬西里亞，割與新興之捷克，剩餘殘土，則重分爲奧匈兩國。

巴爾幹方面保加利亞喪失之嚴重，利亦與匈牙利相若。但其大部并非由於一九一九年渥攸和約之解決，而係由於一九一三年結束巴爾幹戰爭之和平解決，當時曾被追分別割地與塞爾維亞、希臘、羅馬尼亞與土耳其四國。

但最大損失之者則爲俄：芬蘭、愛沙尼亞、拉脫維亞、固悉由帝俄之歸壤中所割出，即立陶宛及波蘭大部領土，亦係帝俄之歸土。同時羅馬尼亞亦由俄取得比薩拉比亞(Bessarabia)省之廣大領土。

總之：當時劃分各國疆界，協約國一味以粉碎日耳曼勢力爲目的，殊不知完滿之國疆，非僅須適合於軍事政治之要求，尤須適合經濟民族等自然之環境。譬猶爲德生命所寄之萊茵區，就自然環境言應劃爲德有，但協約國爲解除德武裝，使其不能復興而重爲禍於歐洲，因此劃萊因爲非武裝區，以期消滅德西部國防力量。且於東歐建立前哨陣地，波蘭捷克非特以之獲得優美廣大之領土，即羅馬尼亞、南斯拉夫與希臘，亦將國土大加擴張。凡此收獲，悉強取於戰敗國之所割裂者，專爲滿足戰勝及其附庸之新興國家之

奢望，殊不知少數民族問題反因之愈難解決，徒增爾後之國際糾紛。

## 第二節 民族歧視之影響

因國疆劃分之綜錯，民族分佈乃更複雜，此固由於威爾遜少數民族自決理想之提倡，實亦由於英法兩國政治陰謀之支配。當時咸認一國之統治，應樹立於每一人民皆有自由權利之最高原則下，因此，其累代被德奧俄土四國所壓迫之各少數民族，雖因和約完成得被解放，數字上被壓迫之民族亦由五千四百萬減至一千七百萬，但解放少數民族一事，終未能澈底完成，雖以東歐民族，大半雜居各地，無法以民族分佈而劃界與自立政權，或依其歷史、經濟關係另行安置；但對國防綫有疑問之處，亦以戰勝者之威權，一味以遷就勝利者與其盟友之企圖，而不顧；因此，劃入捷克境內者，竟有蘇台德日耳曼人三百五十萬，遂播下此次歐戰最先爆發之火種！

大凡種族雜居之處，憤恨仇視即不能免。誠以民族間各有其不能相容之風俗習慣與偏狹思想，以及不能感通之各個方言。縱無不良政治之統制，偏激言論之鼓動，亦不免發生衝突與憎恨。憎恨仇視達於不可忍之境，便激出暴動與戰爭。且以征服者之統治政



府，皆偏袒征服者，對屈服受統治者，並極端歧視。再加征服者一般人民之自傲行動、譏笑、怒罵、侮辱、以及新聞與宗教宣傳、從事挑撥、煽惑民族相互間之歧視與敵對，更有加無己。

試觀希特勒秉政後，其念念不忘者，厥為德統治外之七百萬日耳曼人，亦即正以此吶喊呼籲，而博得國人之情與支持其政策。他如保匈小邦，亦無不以此而反對其夙敵，以期收回被割之疆土與其土之人民。

尤其中歐波西米亞之東南部實為民族歧視憤怒爆發之火山口，如匈牙利對於斯拉夫，斯拉夫對於意大利，羅馬尼亞對於俄羅斯人，生來即為仇讎，故保加利亞為巴爾幹最激烈之修約主義者，匈牙利於國內，幾於每戶門首，均張有「毋忘失地」之標語；甚至其他國家，苟有少數本國民族寄居於外國治下者，亦無不努力於同樣目的之完成，如蘇俄之官方地圖，始終將比薩拉比亞列入本國領土，外交部檔案中最重要之一件，亦標為「比薩拉比亞」。

計當時在德境外者，有日耳曼人七百六十萬；在德國者，有波蘭人八十萬至一百二十萬；在波蘭者，有白俄羅斯人一百五十萬，立陶宛人三十萬；在意大利者，有斯拉伐

人及克羅茲人六十萬；在蘇聯以外者有烏克蘭人五百萬；散於中歐者，有保加利亞人一百三十五萬，匈牙利人一百四十萬，及俄羅斯人七十七萬許，因此，巴爾幹之統治集團，遂極力煽動民族間仇恨，如匈牙利與保加利亞之修約主義，羅馬尼亞與匈牙利之反猶太運動，南斯拉夫之哈潑斯堡皇朝復辟謠言，幾將巴爾幹變為民族仇痕之高峯。所以少數民族問題，亦為此次歐戰重要原因之一。

### 第三節 經濟矛盾之影響

凡爾賽和約之製訂，本根據英法政策偏袒戰勝國，以期永久壓倒德國。但以英法未幾又復對立，和約不能共同執行；更以忽略整個歐洲經濟現象，並予少數民族精神上生活上無窮之痛苦，使和平基礎，從此更不穩固。

根據歷史之昭示，大凡礦物資源，以地域分佈之不均，往往引起國際間商業之爭逐與政治之霸占，遂釀成戰爭，造成土地之吞併。此外，由於農業地域之供應；工業地域之發展；鐵道、海洋、運河、航空等交通運輸關係，又在在可以引起國際戰爭。

一覽歐洲經濟地圖，所有機械工業、製造工業、以及煤鐵等富源，幾悉集中於北法

蘭西、北比利時、西日耳曼、西南波蘭——舊德上西利西亞及波西米亞等地；德國魯爾（Ruhr）煤區與法洛林鐵礦，在兩國界中，彼此隔離；上西利西亞煤礦之鑛口與鑛穴，亦分受兩國統治；其餘銻鐵等鑛與機械設備，亦因國界而分隔；甚至電業系統，公路路綫，水量之供給，及鐵道網，亦均被分割。而由凡爾賽條約所產生與保護之許多新成立之國防邊境，加以隔離。

凡此不平之經濟現象，在戰勝國當時固極滿足愉快，但德奧匈等之經濟命脈，於中歐與東歐既統被割斷；新興之東方小國，亦均創行新幣制，樹立關稅壁壘，因此歐洲正常之經濟生活，更加騷然。

至於賠款方面，尤不合理：一九二一年倫敦會議以後，仍強制德國繳付賠款總額遠在德所能交付以上，英相路易喬治遜謂：「吾人所欲者為德之金錢，而非其他貨物；」又謂「德國必須繳納數百萬萬之賠款，但絕不容有一裁紙刀之輸出；」既不接收其物品，又不許利用其人工，（如拒絕德工人出國工作，）至於紙幣馬克，更使其在國際匯兌上不值一文，德國經濟只有崩潰一途，即英經濟學家如凱因斯（Keynes），亦評謂此種和約，不僅不平，抑且不智，無法履行，更足以危及整個歐洲之生命……。

綜之凡爾塞和約所造成之經濟矛盾，實屬不勝枚舉，而其最大之影響，即為太不合理，苟爾後英法美不肯予德以經濟上之援助，歐洲秩序，當已早告蕩然；此最近聘華回美之威爾其先生，於華西大學演講辭中所以有云：「上次大戰時威爾遜總統之十四點宣言，縱不失敗，亦不足以永奠世界和平；因其僅見及於政治平等，而忽略種族平等與經濟平等也。」

總上所述，凡爾塞和約非特未能維持人類和平之重心，且以對德無謂之高壓，徒生惡劣之後果，播下二次歐戰之種子。

第一為引起德之強烈復仇心。希特勒之所以能一躍而起，即此種復仇心理之利用。苟非和約之苛刻不平，引起德民普遍之失望與憤懣，中產階級生活之不安與思想上之苦悶，則軍閥嗜殺之重建，決不致受人民之支持。——僅以民族之被壓迫，猶不足產生純粹軍事上優勢力量，僅以無業軍人與反動勢力，亦不足以獲得廣大之民心。然以此二者聯合運用之結果，納粹主義遂得迅速建立。吾輩固不必以和約對德之高壓而為希特勒今日之趨盜略行為辯，但納粹主義之暴力，亦不能不認為由此不平和約所促成也。

第二為美之不願參加國聯，因英法之自私自利條約，對德高壓，造成美對國聯之反

感。自凡爾賽和約簽訂之翌日，美對歐洲之態度，即有諒德責法明顯之趨勢。尤其協商國之賴債不歸，更刺激美之孤立主義而抬頭。

第三爲英法之失和。英國傳統政策，不使歐洲有最強者出爲盟主，以失其歐洲支配權；法國戰勝對德高壓，熱中於樹立獨霸歐陸局勢；致使引起英人對法之疑忌，而懷抱戒心。尤有奇異者，即當法國家主義得勢之時，正英工黨組閣之日；而於爾後法自由主義較爲張揚之時，英已成保守主義之天下，所以戰後英法始終同牀異夢。故英亦漸不忠於國聯，而支持德國；此固由欲阻止蘇聯勢力伸入歐洲，同時亦實由於削弱法國之優勢。一九二九法年之羅加諾（L. Carno）會議，即無非藉此對法均衡而使德加入國聯。此次歐戰初期英法始合終離之潛因，亦未始非兩國精神上之久已疎遠也。

以上三大因果，非徒對英法之不利，亦且對世界之不利。申言之：上次歐戰之結果，徒造成世界殖民地之再分割，凡爾賽和約之反映，不過爲資本帝國主義矛盾發展，訴諸戰爭之片面結果。由於各種矛盾發展之戰爭，雖暫獲解決，少數勝利國家內在之矛盾雖暫時消除，然而更甚於前之國際矛盾，又已孕育滋長。上次戰爭之原因，實未因上次戰爭之結束而終結；此次戰爭之再起，仍繼上次戰爭之原因而更趨激烈耳。

## 第二章 世界性戰爭之激盪

### 第一節 經濟體系之激變

一、世界經濟關係之解體：經濟為生活之源泉，政治之基礎，一切國際關係之發生，均可自經濟因素中獲得最後之說明，戰爭本為政治之繼續，亦即經濟鬥爭激化之形態。

上次大戰後，世界經濟體系曾起激烈之轉變，即自由貿易時代之經濟國際主義逐漸解體，與保護政策之經濟孤立主義逐漸抬頭是也。

自上次歐戰德國因經濟之不能自給而終於失敗後，列強無不力求經濟之自給自足（Autarky），而以爭取殖民地市場人工與原料，以及提高生產技術能力為手段；但以各國之生產量既已提高，供給本國平時消費，綽有餘裕，遂逐漸感覺生產之過剩，競向國外傾銷，以是物價大跌，物價愈跌，傾銷益厲。而各國保護制度益形嚴密，如外匯統制、定額輸入、與關稅壁壘等，以求報復與抗爭；從此國際企業家已再無自由競爭之餘地。

，各國遂紛紛組織獨占集團。

二、集團經濟代之而起：以一強國爲中心，利用帝國主義者之強大軍事力與經濟力，將其殖民地勢力範圍內實行閉鎖，排斥外來經濟勢力，即對外封鎖，對內統制之各局部獨立之經濟機構，於是整個世界經濟組織遂變爲孤立而相互衝突之閉鎖集團。各國通貨在世界市場上遂失其應有相互之聯繫性，關稅堵塞進出口貨物之貿易，而移民律之限制，更予勞動力移動以嚴重之打擊。於此一封鎖閉塞之經濟組織下，首告脫節者爲生產量與生產力。各重要工業國均以上述經濟衝突之障礙，不得不將生產量壓低，而將大部生產力，如物資與勞力，棄置不用，以免生產過剩。因此生產衰退，失業增多，發生世界經濟恐慌。

三、世界經濟恐慌：最初各國爲挽救經濟頹勢，曾實行產業之合理化與科學管理法。確亦曾收效，但以果世界經濟關係既已造成，一旦解體，絕非局部措施所能補救；故爲時不久，即繼之以一九二九年之世界經濟大恐慌，更加深世界經濟病勢之發展。世界經濟體系，陷於極端混亂，生產指數，益見江河日下。據國聯之統計，於一九二〇—二七年間，食料品之生產額，平均爲每人百分之二，但於一九三〇—三七年間，

竟減至百分之〇。四，基本工業於上述兩時間內，亦由百分之三。五減至一。九。大部份生產事業既告停頓，失業問題，日趨嚴重，資本家爲掩飾病態，維持物價，竟不惜將物資焚燬，耕地荒廢。

四、濟經戰爭之激烈：於此嚴重矛盾之經濟現狀下，各經濟集團間鬥爭更日加尖銳，如一九三〇年美實行關稅法案，影響所及，不啻禁止外國商品之輸入，各國爲防衛與報復，亦復羣起效尤，即使向以領導世界自由貿易著稱之大英帝國，亦於一九三一年宣佈放棄傳統政策，實行保護關稅條例，復於翌年，開渥太華會議，封閉帝國門戶，其後不久，法亦採行定額輸入限制貿易；德則將關稅提增一倍。如是強大之關稅壁壘，相互阻止商品之輸入，關稅壁壘愈築愈高，輸出愈減愈少，物價慘跌，金融枯滯，工廠倒閉，工人失業，結果國際自由貿易，幾至全部停頓。

各國於關稅戰爭外，并同時使用他種經濟短兵；其尤著者爲紙幣貶值與匯兌統制。英於一九三一年再度放棄金本位制，直接貶低其貨幣對外之匯價，間接即貶低其產物之國際市場上之價格。各國效尤，國際交易市場從此失一共同媒介。至於德所用之登記馬克，表面雖未貶值，但係以統制方法管制匯兌，結果與貶值無異。凡此措施，無不爲形



成國際經濟各自孤立之重要因素，予國際自由貿易上以極大之窒息。

五、世界經濟會議之失敗：以上所述關稅戰、貿易戰、貨幣戰，合併造成世界經濟上之極度不安，亦即反應於政治上之極度衝突，所以一九三三年三月世界經濟會議之舉行，企圖以整個世界為對象，作經濟的弭戰，調節各國經濟壁壘間互相鑿柄之處。無如帝國主義下之自由貿易制度，本與其政治侵略相關連，所以各國會議代表，利害觀點不同，仍為自私孤立着眼於一國一地之經濟利益，國家主義與帝國主義之代表固聲言不能為世界利益而犧牲國家利益，即國際主義共產主義之代表，亦無不以其國家利益為前提，與他國之利益作爭執之對象，如貿易封鎖與信用困難等。所有出席會議代表，未來之先，本擬挽救世界經濟恐慌，改革世界現狀；但是代表本人，所存狹隘之國家黨派自私自利觀念，毫未改革，各國代表均同夢異床，均未能以真正世界合作之目標為出發點，結果世界經濟會議變為世界經濟衝突，終成不能調和之局，惟有訴之戰爭，以作最後之解決。當時世界批評，認為此輩代表，不僅毫無成就，並使恐慌加緊，戰禍加速。

六、以軍事繼續經濟衝突：世界經濟會議失敗後，世界政治亦隨之漸入絕路，而代以世界戰爭之趨勢。歐洲法西斯即於彼時前後握得政權，而實行全力之侵略。因此至一

九三二年世界各國失業業者總數竟達三千萬，其中德佔六百萬，意佔一百萬。法西斯政權以恢復失業與從事報復爲號召，因之成立，一面擴大軍火工業以收容失業業者，一面擴充軍備作海外市場之武力掠奪；此兩大途徑互爲因果，有的國家與無的國家，對於殖民地之爭奪遂益加強烈。雖以有的國家，力求避免戰爭，以把持所有，而又不得不擴張軍備，強調國防，以求安全保障，如此，更加速促成戰爭。

現在國際關係錯綜，生產技術新異，未有一國能於經濟上可以完全獨立自給者，但或爲侵略思想所驅使，或由於畏懼心理之防護，以及軍事封鎖之顧慮，又不得不圖本國之經濟能以自給自足。於是用盡各種方法，不惜一切犧牲，用不自然之方法，以達成自給目的。但以不自然之生產方法，往往卽爲不經濟之生產方法，唯有降低人民之生活標準，犧牲社會之經濟福利，方有成功可能。爲免引起人民怨恨，遂不得不宣傳戰爭恐怖，以煽動人民同仇敵愾之心，所謂「戰時經濟體制」與「槍砲較牛油爲尤要」，遂爲世所習聞。一切既爲戰爭心理所籠罩，人民對於經濟問題之考察，亦由單純之生活觀點，導引轉變爲鬥爭之觀念。

於此可知，由上次歐戰而促成世界經濟之解體，由世界經濟之解體代以集團經濟之

鬥爭，由集團經濟鬥爭隨在皆可爆發軍事衝突。為發動國家戰爭潛力，以迅速轉變為軍事實力，列強遂不得不先後於平時即採戰時制度。誠以集團經濟體系，本為經濟戰爭之體系。二次歐戰，雖未發生，歐洲列強，已不得不採行戰時經濟；為欲有效推行戰時經濟，更必須先行戰時政制，以強化政權，整備國力，從事戰爭。

## 第二節 政治制度之對立

上次歐戰本為帝國主義之戰爭，當時世界帝國主義者僅有民主與專制之兩大政體，故美會謂：「此一戰爭為擁護民主作戰，民主國家勝利，世界和平即有保障」。戰後以德奧之崩潰，民主政制確已擺脫專制政體之威脅；但以大戰之孕育，產生三大獨裁政權。即於一九一七年十月俄國共產黨政制，與一九二二年十月意國法西斯政制，以及一九三三年一月之國社黨政制。從此民主政制所感受之威脅，不為舊式專制政體，而為新式獨裁制度。

戰後國際政制最特殊之發展，厥為帝俄之廢墟，世界六分之一土地上新建一社會主義聯邦，其政治目的與任務，為推翻資本帝國主義之世界而建立共產主義之世界。故繼

俄聯邦本身之存在，即係對世界資本主義制度之一種威脅。世界列強對此思想體系不同、政治制度不同、經濟組織不同之國家，幾視爲異端，必欲毀滅之而後快。由此兩種制度矛盾上言之，列強對蘇俄與法西國社之畏忌，誠無軒輊之分，尤其西歐國家爲資本主義與共產主義衝突主力之所在。

蘇俄革命初成，政治制度固未能脫戰時體制，而其立國之共產主義既不能與資本帝國主義之利益相調和，同時西歐中歐國家之無產階級革命運動並曾一度高漲，致使一方面有支配歐洲之英法資本主義政治，於反共反俄之大前提下，採取孤立蘇聯之政策，蘇俄政體，遂更不得不採戰時體制，以求迅速加強國家戰爭之實力；他方面復有意德法西斯運動之勃興，亦樹立戰時政治體制，強調武力萬能權力集中之說，以求發動其國全力，從事戰爭。

戰時制度以能集中權力於一身，爲最有效，故論共產主義下之委員長與法西國社下之領袖制，皆推行獨裁政制；因此民主議會政制，權力遂覺分散，而感受莫大威脅；一面向集中權力之途努力，一面指斥獨裁者之剝奪人類自由。而獨裁者亦謂民主會議制之虛僞無能。

一、一九一七年俄國革命成功，新立一蘇維埃委員制度，與民主議會制度根本對立；在政治上蘇維埃爲一黨專政，不容有反對黨存在；經濟上蘇維埃爲統制經濟國營制度，與自由經濟私人經營完全相反；在社會上，每個蘇維埃人民，均爲勞工，均爲其國家而工作，而不容剝削階層之存在；於對外上，以世界工人祖國自居，用共產國際組織策動世界革命，以求打倒資本帝國主義制度；並在內政上，蘇維埃爲一黨專政，以強力壓制其他一切黨派，不容存在；以領袖制度爲過渡，以求最後達成真正之民主。故在歐美資本帝國主義者視之，則無處不相敵對，尤以利用第三國際，煽動階級鬥爭，仇視最甚，乃謂蘇聯並無議會乃一黨專政領袖獨裁制度，而絕非民主，並爲民主制之威脅；因民主必存在於議會制度，方可使全體人民，各根據其才能而享有平等權利，爲全體人民服務，並非一黨派或一階級有平等權利，即可稱爲民主政制。

二、民主國家亦爲蘇聯反口相譏：意爲一種大多數階級，如不能代表人民之權利，則少數資本家小集團之權利，更不足以代表人民；即在民主形式上言之，人民除於選舉外，不能支配其代表，而代表及所宣傳之民意機關，實際上均爲資本勢力所收買；即代表本身，亦不免爲資本家所僱用，且不能完全支配政府機關；結果議會雖有反對黨之存

在，無非在野黨利用議會以牽制在朝黨所控制之政府機關，削減行政效率。再究其實，無論在朝黨與在野黨，均為資產階級之組合，議會之存在，亦不過為各資產階級勢力角逐之場所，而與全體人民權利無關。此種以資產階級利益為目的之民主政治，使階級矛盾日趨尖銳，遂予法西極權政治以有隙可乘之機。

資本主義與共產主義國家，均互相爭以民主為榮，而譏對方為非民主；至於極權政治國家，則根本排斥民主。

三、所謂極權政治，乃以領袖指導一切，政治組織與全盤政治階段，均係採此原則。對於事之決定不取決於多數，而採由指導者之獨裁，以求得政治上最大之效率。墨索里尼曾謂民主政治係一個腐朽的屍屍，確足代表法西對民主之態度。法西理論中，亦絕無最後過渡至真正民主政治之着想或作任何之規定。極權主義國家之成熟與其政體之具體化，已使其本質愈演愈非民主，以致認民主政府之存在於其他領土，為不可容忍之威脅，因之法西主義者企圖顛覆民主國家，不僅在瓜分其土地，尤且在壓制世界上民主之理想。

是以法西及國社運動之唯一目的為權力政治，加強一國權力，必須使全國人民能得

組訓與工作，全國物資能以統制與生產，遂鼓吹全力戰爭。而欲得最大權力，更必須預令世界各種問題。擴大極權主義運動至其他各國，以發動全世界戰爭。因此如在西班牙與巴西，遠東與非洲，小亞細亞，及南美暨歐洲各國，均有法西斯國社之活動，不論民主國家蘇維埃政府，均為法西斯攻擊之對象。造成世界上普遍不安之意志，推行其狹隘之種族政策，無非欲將全世界秩序打破，以達「世界重分割」之要求，實不僅取得所謂「生存空間」之欲望，因此國社法西斯造成軸心，以法國為墮落，以英國為虛偽，以弱小民族為無存在價值，而高唱「日耳曼民族優等論」，與「拉丁民族文化論」。

此時世界政制對於國會式之民主，在效率上羣知已不足與領袖獨裁相拮抗；因為個人自私自主義與資本帝國主義之傳統束縛以及恐怖勞工共產主義之虛偽心理，雖想對於政體大加改革，而終不能澈底，結果使極權政治抬頭獨步，世界政制之自由獨立性，無不遭極大之威脅，造成各國政制上之極度不安。結果唯有賴戰爭為解決政治之最後手段，與達成政治目的之必要途徑。尙有若干民主國之政治家正渴望戰爭之迅速來臨，以便推行戰時權力政制。

一向戰爭，對於政制問題，未有指摘如此次歐戰之甚者。過去政治制度，多為一國

內政，人民生活方式，可以自由選擇；非如現在，公開向外侵略，強制他國人民，亦必採取此種方式，動輒干涉他國內政，因之發生強烈之衝突，與夫互相之詬罵。其實列強政治衝突，本為其各自深藏之自私侵略政策，即其政治目的，而非政治制度。因為政治制度，本係方式。法西國社政制，固屬戰爭制度；蘇維埃政治，亦屬戰爭制度；而今日之民主政制，尤其在戰時，仍屬戰爭制度；即無不推行權力政制，集中權力作戰爭準備之機構也。

總而言之：現在列強政制之衝突，並非僅在思想體系或政治形式上，而尤在其政治之目的；且因形式之過於相同，即同為戰爭之機構，便各如箭在弦上，隨時均足以發生戰爭，危害世界和平秩序。

### 第三節 和平秩序之破壞

自第一次歐戰告終，威爾遜提議失敗，正義和平，未能實現；凡爾賽和約雖訂，執行步趨不一，武裝和平，亦未能維持，歐洲和平秩序，亦可謂終未成立。以後互助協定、軍縮會議，均為和平運動，但均無結果。如一九二四年國聯起草之互助公約，對於侵



略者之定義與責任，迄無決議；一九三〇年軍縮會議，亦因法意海軍平等問題，無法解決；一九三二年裁軍會議，又因德國要求軍備平等，爲法反對，更引起修約之糾紛；一九三五年德宣佈廢除凡爾賽和約，重整軍備，列強亦各自擴軍。其實遠在一九三一年日本以武力侵略我東北時，世界和平秩序，卽已破壞；當時列強均甚恐慌，均已暗中擴張軍備；而在表面上軍縮會議可云成功者，僅爲最初一九二一年之華盛軍海軍會議，規定英美日五五三之比例，但亦未澈底執行；縱使澈底執行，亦不能維持和平秩序。誠如蕭伯納之批評：「所謂裁軍運動者，無非癡人說夢，各國均有軍備，各不願裁，維覺其代價太昂，故欲作一協定，使軍備限價，於下次大戰中，用十吋大砲代替十六吋者以殺人，如此卽可謂之仁慈乎？」結果卽此限價之軍備，亦不可能，而代以極高度之軍備競爭，更加以民族仇視，經濟衝突，政制敵對等，均爲和平秩序致命之傷害。第一次歐戰二十餘年來，世界列強，無時不在明爭暗鬥之中；然以純軍事立場言之：和平秩序之破壞，當以九一八事變爲始。

一、九一八事變初起，法國聲明其安全保障，在國聯規約之不可侵犯，願爲執行國聯規約而戰；美亦於一九三二年一月七日發出不承認宣言，願與國際會員國同樣負制裁

之任務；然而英之保守外交，不承認日本於滿洲利益之外有更大野心。不承認瀋陽事件之值被重視，更認日之向北發展，與俄衝突，即不致南進危害其在南洋羣島之統治，因此主使國聯派遣調查團了事，對日竭力縱容；其他侵略國家，亦步其後塵，為所欲為，世界和平，從此破壞。

國聯縱容，實即示弱，遂使日本帝國主義者之氣焰，高張無已，引起中日全面之戰爭。歐洲方面既因日本之侵略計劃，暢行無阻，遂使歐洲之軸心國家，大受鼓勵，致有一九三三年希特勒執政後之擴張軍備，一九三四年之鼓動奧國政變，與一九三五年意之侵略阿比西尼亞帝國。

二、當一九三四年末，意阿邊境發生衝突之際，阿即乞助於國聯，惟英法主持下之國聯，已因日寇侵略之無法制止，效能大失，且以法國與意正談親善，不願稍出惡聲；英見地中海形勢，深感威脅，不得不派遣艾登(Aiden)，親詣羅馬以求調處。意以法之小願干涉，對英建議益見漠視，侵阿之戰終於一九三五年十月二日開始。此時國聯，無異為英獨立支持，一度實行對意經濟制裁，究以限於局部有限範圍，未能收效，終以英之態度游移，且有合法向意建議分割阿土之舉，使意益無忌憚，卒至全部併阿而後已。

三、一九三六年德軍武裝侵入萊因，當時德國在西歐列強中，竟能超然事外；因此得與義關係更加密切，奠定軸心合作之基礎。又因國聯之威信，迅速衰退；尤以聲名狼籍之英國霍爾與法國賴伐爾瓜分阿比西尼亞提案之結果，一九三六年三月七日希特勒撕毀羅加諾條約，命令德軍重佔萊因；歐洲軍事行動，亦可云以此為始。惟以英法軍事領袖，舉行會議，未加抵抗，而藉國聯理事會，發出第二次呵斥了事，歐洲集體安全虛幕，已經揭穿，比利時等小國亦即脫離國際聯盟，而恢復其因襲之中立。英法即努力擴軍，世界惟一和平機構，完全喪失作用。

四、一九三六年佛郎哥叛變西政府後，德意援助佛郎哥率領之國民軍，除飛機，坦克，軍火及參謀人員外，更實行出兵，德軍十萬，意軍八萬；故西班牙內戰已為歐戰之雛型。並使歐洲列強如德意俄等均乘機鍛鍊其新軍隊，并實驗其新兵器及軍需品。而復可使意大利，利用其在阿比西尼亞爭所剩餘之軍需與軍隊。尤其德意兩國極願於英法之容忍期間，而作軍事上之實驗；且更欲乘英法未加準備，而攫取任何有利之地位。

德意亟欲於西班牙之海岸綫上，及地中海之各島嶼，取得永久航空與潛艇之根據地，一旦大戰發生，既可使直布羅陀（Gibraltar）歸於無用，封閉英於大西洋與地中海之

西部交通，復可阻擾法與非洲之聯繫，及攻擊法之南部。時英法對此種可能性，雖洞悉其底蘊，然并不以上述觀點，爲德意干涉政策動機之正確解釋；更不信採取同樣行動，爲把握當時情況之上策；致有一九三七年八月內，英法及蘇俄之商船，均一再遭受襲擊，其中包有英戰艦四艘，即謂此時歐洲已不宣而戰，亦未嘗不可。

總之：因九·八之縱容，而有阿比西尼亞之侵戰，及西班牙之內戰，此三大侵略性之戰爭，實已養成暴力主義之抬頭，果結德以祇求民族復興解除凡爾賽和約者，進而侵略中立國家，欺凌其他弱小民族；意原擬僅報四十年前敗於阿比西尼亞之仇者，亦竟敢向歐陸染指；日本初僅欲以蠶食方法以亡中國者，乃更敢大胆出以鯨吞作全面之侵華。

試觀一九三六年德意成立軸心，德日成立防共同盟，從此三國在脫離國聯及一切國際約束後，有組織之行動，均爲侵略他國，企圖顛覆世界。一九三七年，日本對華開始大規模之全面進攻，中國奮起抗戰，爲對三國陰謀一莫大之打擊，同盟國戰爭一大支持；所不幸者，此時列強不僅未予中國以應得之援助，且欲以所謂妥協政策，孤立政策，和平政策，希圖苟安，置身局外，於是三國立即成立反共同盟。一九三八年，德已併奧；然英法諸國，猶欲向軸心三盜納款，於是有慕尼黑之黑暗會議，肢解捷克。一九三九

年，德進佔整個捷克，進兵默麥爾，而意亦進佔阿爾巴尼亞；德意并進一步成立軍事同盟；英法蘇三國談判失敗，德即進攻波蘭，於是開始二次之歐戰。

基於上列三大原因之分析，可知此次歐戰發生之因素，確屬多元。而列強於戰先，又均處於不願戰而不得不戰，交戰國家亦均無戰勝之信念。然而終於使戰爭爆發者，又實以上次歐戰後，世界經濟政治之機構，已瀕於總崩潰之境，加之世界各處軍事衝突，益加推波助瀾，卒至引起此次之歐洲大戰。

## 第三章 歐洲列強政略衝突

二次歐戰之不可避免，已如上述；但其爆發之時間與空間，即其直接之近因，則為歐洲列強政略衝突之結果。戰爭禍首既為德國，其主要導火綫操於德國之手，政略衝突之重心，亦在中歐，故於敘述歐洲列強政略之衝突亦以德國為機軸。

### 第一節 希特勒秉政以前

一、德國外交政策：自凡爾賽和約締結以後，德國遭遇，固極艱苦，故其政略，係由屈服中進求如何廢除凡爾賽和約之桎梏，以圖恢復戰前之自由；然欲擺脫此種羈絆，首在能以離間英法：法為德之世仇，且防德之復興也最嚴，故德與英親善，使英抑法扶德，且與英之傳統政策維持歐洲均勢適相符合。同時與俄意保持友好關係，以減少阻力。

德乘俄國革命初成列強對之仇視之時，於一九二二年與俄締結刺巴羅條約（Rapallo）

o Treaty)，內含有互相以最惠國待遇規定，并規定蘇俄永遠放棄凡爾賽和約中俄所得德賠償之利益，此為德第一次公然企圖打破和約所加於其束縛之行動。繼此而後，德俄復訂定關於商業暨移民等項協定。

二、德俄互惠協定：德既與俄接近，英法深為恐懼，以地處中歐之德國，一旦被俄赤化，勢必波及全歐，為穩定整個歐洲經濟原有體制計，須先使德經濟恢復常態，於是乃有道威士計劃之產生。在政治外交上英法更誘德加入國聯以孤立蘇俄。一九二五年羅加諾(Locarno)協定之成立，即政策英法之表現。德當時未始不知英法之用心，但欲藉外交上之活動以改善其地位，亦欣然接受英法之拉攏與之妥協；又恐引起蘇聯之反感，於一九二六年，與蘇俄再訂定柏林密約，雙方重申對於刺巴羅條約之忠順，并承認遇對方遭受他國進攻時保守中立。

三、英法俄之矛盾：此後數年中，德週旋於英法與蘇俄之間，國際形勢日趨好轉，加以英俄對立，日加尖銳，英盼德之東進亦更迫切，又以與法爭執歐洲霸權，使英加強抑法扶德之決心，故凡德國要求改善其地位，英均暗予襄助，甚至如德暗中擴軍，英亦伴若無睹，於是如黑衛隊等之普遍軍事組織，亦未加抗議，以致形成納粹團體之中堅

，軍國主義遂得於德重告建立。

德爲利用英俄與英法之矛盾，戰後十餘年來其國際地位，日漸改善。此當歸功於其外長史特萊斯曼（Stresemann）之親英政策者實多。同時由於英法資本主義者之私慾，反布爾雪維克之假想，希望德在中歐作防共之屏障，因而坐視希特勒之得勢，遂促成此次歐戰之早期爆發。

## 第二節 希特勒秉政以後

一、退出國聯：希特勒藉一九三三年巴本內閣之反利用，一躍而爲總理，當時曾向全德廣播，以麵包、自由與民族榮譽三事自任。

甫得執政，即提出授權法，將反對黨派取締殆盡；祕密恢復軍備，要求與英法軍備平等。同年十月，更乘機以他國未能一律裁軍爲辭，率爾退出國聯與軍縮會議。一九三四年更鼓動奧國社黨之暴動，企圖德奧合併。事雖未果，而國社德國對歐洲領土拓展之野心，已作首次暴露之嘗試。

二、英法俄之矛盾加深：德既強大，法俄均感受威脅，乃互以對德爲基礎，於五



月簽訂法俄互助條約與俄捷互助條約，此爲德整軍後，法爲保持歐洲均勢，外交上唯一之成就，亦長期之集體安全談判中之唯一收穫。惟法俄與俄捷間均無共通國境，俄欲援助法捷，非假道波蘭與羅馬尼亞不可，結果該約因實行之不可能，等等具文。同時亞歷山大王之被刺於法，又促成法意之諒解，加之英愈對德支持，法不得不對意讓步，冀結意之歡心，以免義德爲伍，致腹背受敵，遂容忍墨索里尼之侵入阿比西尼亞。

此時，英法政策之矛盾，已達極點：英對意侵阿，危害其非洲利益，亟欲加以制裁，而對德宣言毀約，重整軍備，則又予以默認，並背法與德爲海軍協定；法對意則爲之袒護，冀其助己，又背英與意爲非洲協商，對德則又絕不放鬆。在英之思考軌跡中，爲仇意不得不親德，而法人之軌跡，則爲仇德不得不親意。而在此兩大軌跡之外，德則乘意攻阿而進兵萊茵；意則乘德武裝萊茵而以全力完成其對阿之侵略。結果德意各如願以償，英法則一無所獲。英法支持之國聯，從此一蹶不振。

曾憶英前首相鮑爾溫有云：「萊茵河爲英之國防前綫」；美總統羅斯福亦云：「美之最前哨係在萊茵河」。凡此政治上之威脅力，可云已大，目的在使萊茵河作爲劃分極權國家與民主國家之鴻溝，以求各不相犯，彼此相安。苟英法美等國能於德強佔萊因非

武裝區之時，施以相當制裁，即爾後歐洲之和平秩序，又何至每况愈下；第三帝國發展，又自萊因河起之歷史奇蹟，又何至再演；奧、捷、波、丹、挪、荷、比等國抑何致均被征服，即看守萊因河之法國，更不致以一等強國，遽告崩裂。無如英法等國同床異夢，對同盟間各自之權利絕不放鬆，如遇極權國家之挑釁，而又徬徨退讓輾轉於和平與現實之中，因此，當萊因河之被佔領，英法所顧念者，已非萊因區而移於奧國之安全矣。

三、德公開發復軍備：德既復起，備戰益狂；一九三四年三月發表其次年度預算，陸軍爲五億七千四百五十萬馬克，增加三億馬克；空軍爲二億一千萬馬克，增加一億三千萬馬克，時英駐柏林武官舉以質詢，而德反謂凡爾賽和約僅限制德軍備，并未限制德軍事預算爲辭。一九三五年三月十六日更宣佈不受凡爾賽和約軍備限制之約束，發表重器軍備宣言，空軍正式成立，陸軍恢復徵兵制度，平時兵額增至五十五萬人，約爲三十六個師。五月，正式頒佈新陸軍法。六月與英成立海軍協定，規定德有對英百分之三十五海軍噸位，與可建造與英相等之潛水艇。苟此時英法兩國同具決心，以其尙在優勢之海陸空軍武裝阻德擴軍，歐洲形勢，或向另一方向發展；因爲此時德國，實不堪一擊也。無如英法當局，貌合神離，優柔寡斷，予德以全力大張軍備之良機，轉瞬之間形勢

倒轉，和戰之鎗業已轉手護人，英法優勢從此失去矣。

四、德軍重佔萊因：此時德於西歐超然事外，行動極為自由，因之與南鄰奠定密切合作之基礎。一九三六年三月七日遂通告英法波三國，謂包括奧法在羅伽諾條約下所承認之義務，已被法俄互助條約將前一條約之內在意義剝奪，是以德已自視不再受其束縛，因即於是日，以德軍重佔萊因。此一行動，頓使法國抑制德之工具國聯及集體安全制度，遭受極嚴重之打擊。德既無西顧之憂，可以全力東向，東方各小國成爲囊中物，法即欲援手，而萊因河上流備森嚴，法軍不能飛渡。加以意漸與英法乖離，已成德有力之幫兇，法不能不分兵防意，對德西綫更無能爲力。而日與德之提攜，又使俄不敢輕於助法，歐洲重心，遂由英法移於德國之手。以是比利時與其他小國，宣告脫離國聯機構，而恢復其因襲之中立。

五、德國併奧：果也一九三八年，德已有充分之軍事準備與堅強之外交地位，足以向日爾賽和約中之領土條款直接挑戰，遂於三月乘機併奧。其公開藉口爲德奧同爲日耳曼民族，而其隱秘之軍略意義，實以奧爲軸心東進之基地，奧如得併，捷則三面被圍，自不難迫其就範，奧捷就範，即可侵入羅馬尼亞，與俄西境烏克蘭接壤，隨時可以進

攻。此時張伯倫於德併奧之後，曾於其國會演說中有云：「除非吾人，或他國與吾國，準備以兵力制止之，德國之行動，實無法避免」。可見當時英政府之意見，寧願德之併奧，亦不願因阻止其合併而引起歐戰。

至於法國，旭丹內閣方總辭職，而勃呂姆 Blum 所領導之人民陣線新內閣，直至三月十三日方告成立，此時德之併奧，已為既成事實，故英法政府已不啻加以默認矣。

六、慕尼黑會議：德既併奧，希特勒之刀鋒又由奧而捷。同年九月，提出收回捷克境內第一次歐戰前屬德國之蘇台德區之要求，識者早認歐戰爆發已至最後關頭。惟法俄與捷，皆訂有互助條約。法俄捷，本為條約上之義務。英如此時與法共同聯俄，捷克或可保全。無如英法政府力圖協和德意軸心，受防共先鋒之催眠，均無援捷抗德之意。因之而有慕尼黑之無恥協定，以背棄盟約為顧全現實，以屈辱退讓為愛好和平，以犧牲他國而苟且自保，迫捷接受德之條款。捷克名存實亡，已入納粹掌中。

尤有進者，慕尼黑四國會議不啻屏蘇聯於歐洲之外，使蘇不怨德而怨英，此種懷疑猜忌，終使蘇聯放棄一九三四年以來與英法合作抗德之政策，而改採較英尤為注重現實之外交政策，預伏此後德蘇互不侵犯公約之遠因。是慕尼黑之結果，非特未能解除歐洲

之危機，且愈益加強危機之深刻化。

七、德國併捷：慕尼黑協定後，德乃由攻法轉而攻英，并向法力表親善，里賓特羅甫且親詣巴黎，簽訂非戰宣言。但內在征服歐洲之野心，亦日加暴露。當英正以全力綏靖地中海紛爭時，德於一九三九年三月十五日公開併捷，并乘餘威，進兵默麥爾暨向羅馬尼亞簽訂商約。意於十六日作贊助之演說，俄於十七日作不承認之覆文。

此時歐陸局勢大失平衡，各小國均有對英法離心而轉附德意之勢，於是英法於恐懼憤怒之餘，方始發表慷慨之聲明，保障波蘭，羅馬尼亞，土耳其與希臘之安全。繼於四月初成立英波互助同盟，并宣佈保障羅馬尼亞與希臘之獨立。復於五月先後與土耳其成立協定。

### 第三節 三國談判之失敗

惟英法遠隔於西歐，為欲保障中歐各國之安全與獨立，若捨與蘇切實合作，實無異於空頭支票，所以在國內及世界催促指摘下，於四月十七日正式通知蘇俄，開始三國談判。而上述反侵略政策之是否獲得實效，尙有待於此一談判可否圓滿而為定。故三國談

判，實此次歐戰政略上最後之關鍵。

英法俄會談之序幕，始於一九三九年三月十九日英大使邁斯基與英外相哈里法克斯之會談，終於八月十八日三國之軍事談話。其間不知幾經停頓折衝與磨績，而終未成功。主要原因，在俄曾要求英法應同樣保證波羅的海各國，而英法竟未之允。俄認此爲英法故縱缺隙，誘迫希特勒經此而東進攻俄。吾輩實不容否認，卽此時英法畏俄之心理，尤甚於畏德侵略之恐懼，因此一面固願與俄締結互助公約，一面又懼此一公約之締結而加強俄之力量。所以討價還價，遲遲未有結論。同時英法當局雖臨最後關頭，迄猶不放棄和平迷夢，原待希特勒之回心轉意，因之企圖利用談判，挾俄以壯聲威，作外交上之詐嚇，藉此迫德結一適可之協定。又孰料希氏錦囊，別有經緯，終捨英以就俄。故八月廿三日德俄互不侵犯協定突告宣佈，羣知歐戰已不可倖免。波蘭之命運亦同時注定。

德俄國策，咸以爭奪波蘭爲爭奪歐洲霸權之起點，而爭奪歐陸霸權，又係爭奪世界霸權之先聲。且波蘭之所以存在，全由於英法之扶植，如波一旦滅亡，中歐方面卽失一牽制德俄之工具，則英法於西歐之地位亦自危殆。故於自身生存恐懼與惱怒成怒之餘，德波戰爭一起，自不容不實行宣戰。

三國談判失敗之影響，一面促成德俄公約之締結，一面促成希特勒之進攻波蘭，兩大結果實係導源於一因。或謂應負歐戰之責任者，不僅爲直接發動侵略戰爭之希特勒；拒絕和平陣綫以制止侵略之英法當局，又豈能逃避歷史上之功罪。雖然此均爲最直接之原因，三國談判縱使表面成功，歐洲戰爭之根本原因，仍無法消除，僅使爆發之時間稍延遲而已。

每憶上次歐戰結束後，至今亦僅有二十一年，其中不知幾許思想家爲和平而鼓吹，更不知幾許政治家爲和平而努力。一九一九年成立之國聯，一九二四年草擬之日內瓦議定書，一九二八年簽訂之非戰公約，一九三二年舉行之裁軍會議，一九三五年法蘇倡導之集體安全制，一九三九年英法蘇倡議之反侵略陣綫，各種保障和平之計劃，無不一一嘗試；然除國聯及非戰公約稍有作用外，餘均毫無成就。失敗原因，不外：一、戰勝國對戰敗國之條約，過於苛刻不平，二、戰勝國不願以和平方式，彌補凡爾賽和約之缺隙，三、戰敗國以非法手段推翻條約上之現狀，四、戰勝國未能誠意合作，以實力制裁破壞和平之國家。結果暴力漸次抬頭，相互勾結，以致雖經成立之軟體國聯，既無理知與同情，以維持正義和平；又無實力與協同，以維持武裝和平；及至德意挑戰，英法均一

籌莫展。最後弱小國家接踵相繼爲之犧牲，國際條約先後悉被毀棄，歐戰遂致二次重演。



## 第四章 歐洲列強軍備競爭

蘇俄大衆兵，英國主力艦，德國機械化部隊，常爲列強政略決定之根據；歐洲各國政略之衝突，實以軍備競爭爲主體；而軍備發展之程度，又決定其政略之效用。自一九三二年軍縮會議失敗，廢軍裁軍，變爲擴軍，歐洲列強又蜂起而作軍備競爭，因軍備競爭之結果，歐洲均勢失其平衡，遂發生戰爭。上章所述歐洲列強政略之衝突，僅其戰爭之表面因素，決定此等政略之內在因素，實爲其發展之軍備也。例如在德國軍備未能佔優勢以前，一九三〇——一九三五德國人之敵愾，時而緊張，時而弛緩，雖對英法有不可遏制之緊張感情，但僅限於叫囂怒罵而不敢立即與英法爆發戰爭者，以其軍備建立尙未完成，軍事實力尙未至於壓倒英法之優勢也。

政略成敗之主要因素決定於軍備之優劣，軍備之優劣決定戰爭之勝負，戰爭勝負之主要因素，決定於兵力之強弱；兵力最直接之因素，由於人員編練與武器裝備形成之實力(War Activity)，至於人口物資以及文化政治經濟諸因素，稱爲潛力(War Potential)。

(三) 包括實力與潛力稱爲廣義之軍備；戰爭實力由潛力轉變而成，故潛力爲實力之源；但實力如能卓越，隨時可以實力佔領奪獲潛力，以轉變爲實力。故實力亦可增加潛力。

十九世紀中之戰爭，每恃兵員之衆寡以決勝負；即在上次歐戰，以德對西綫與東綫兵力分配之錯誤，仍不免有馬恩河之敗。但自上次歐戰中長期陣地戰開始後，雙方均已依賴於新武器之裝備，飛機與坦克之出現，使機械與人力之對比價值，勝利已偏向於機械。卽如哈特 J. Hart 所謂：「裝備惡劣之大量軍隊，徒造成集體公墓，亦非過甚其辭」。由此推論，實力中之武器已超越人員，苟人員與武器均有壓倒之優勢，統率指揮有所憑藉，自可獲戰勝之最大公算。

## 第一節 戰爭潛力

戰爭潛力者，卽一國之潛藏力，可以發展轉變而成爲戰爭之實力者。但實際上乃尙未形成爲可用之戰爭實力也。如何轉變潛力成爲實力，稱爲動員；所能動員之全部潛力，則可謂之爲一國最終之戰爭實力。Ultimate War Strength 但一國之潛藏力雖大，而無動員技術準備者，則不能轉變爲戰爭實力，凡言戰爭潛力，更必將動員能力，估計在

內，故戰爭潛力，不僅包含國防要素之人口與資源，更包括國防機構即政制教化之動員準備焉。

人口物資，為潛力之基本要素，但僅有人與物的資源，而無良好工業技術，則其生產力不能作有效之發揮；雖有高度發展之工業技術，若無嚴密周詳之動員準備，亦不能將生產力調整轉變而為作戰力：

假設人口、土地、物資兩國相等，則其軍備以動員效率之較大者為強；若動員效率亦相等，則工業化程度之高者佔優勢；動員與工業化程度均相等，然後方可以人口物資作軍備潛力數量之計算；否則雖有眾多潛力之基本要素，而無工業與動員以發揮轉變之，則始終仍為潛力，而不可作戰爭實力之用。於此更推知一大原則，即較少之優勢實力，亦比較多之優勢潛力為強，因為實力可以佔領並擴充潛力也。

國防要素，為自然所決定而一時不能改變，且可以用數字表出者，但以動員能力，乃由一國之政制教化尤其經濟組織統稱為國防制度與可能之動員時間所決定；以上多受心理上限制或為其削減；或因社會擾亂戰爭失利，而根本不能運用。是以動員能力，不能以數字表列，而僅能依照一般教育水準，政制效率，經濟制度，工業程度，動員準備

等，以作動員能力之估計。

軍縮會議失敗後，歐洲列強遂竭盡國力，從事軍備競爭，改革政制，組織人民，統制經濟，舉凡全國之人力物力，無不綜合策動，向全力戰爭之途邁進，即所謂綜合性之國防制度，以實現全國總動員並頒佈國防法令。

一、德之國防制度：德在戰後根據一九一九年之威瑪憲法，即承認元首有緊急命令權，並得暫時停止憲法上所列人民之居住、通訊、祕密、集會、結社、及財產之自由；且以命令代替立法。同時頒佈國防法，成立國防部，創立國防行政會。一九三三年國社黨執政，希特勒政綱，即成爲一國防政策與制度，並竭力推行統制經濟，將全國工業、農業、金融、貿易，嚴加統制，無論於平時或戰時，得受政府徵調與使用。一九三六年所推行之四年經濟計劃，包括糧食、物資、勞工、財政、貿易，並設最高國防會議，雖在平時，即行戰時體制。一九三九年，更成立常設國防委員會，可不經內閣及國會之商討，通過法律；並可不經國務總理簽字，發佈命令。在轉變戰爭潛力機構，即國防制度效率上，可稱爲最高；再加德國教育水準亦高，經濟組織完善，工業技術與程度，均稱優越，故德國之潛力發動，實爲最優。

關於各國國防資源數字，均詳於下列「二次歐戰初期英法俄德意戰力統計表」中。

二、俄之國防制度：俄國在上次大戰時，雖動員大量人力，但工業不能配合，加以裝備；及革命成功後，遂澈底以國防軍事為中心，除設國防勞動委員會及國家設計委員會，專事決定與推動全國動員計劃外；所有政府機關，幾全為實施動員計劃而創立。自一九二八年以來，所有三個經濟五年計劃，主要均為軍事工業建設計劃；對於軍事工業之動員，農業機械之轉用，戰略交通之開闢，民衆之戰鬥組訓，以及國民生活之限制，不僅為全國動員之準備，即在平時，亦行戰時體制。加以人口最多，土地最廣，物資亦富，着手準備之時間亦久；惟以全國教育水準，工業技術，與其高度化，均不如德，故其潛力發動能力，亦較次於德。

三、意之國防制度：意於一九二四年，即提出國家總動員法案於會議，翌年通過，墨索里尼秉政，即着手厲行全國動員計劃，設立國防最高會議與動員準備委員會，頒佈民事動員法，將人力物資，均控制於政府統制之下。實樹立世界各國總動員最早之楷模；而於全國軍訓，最為澈底，八歲以上之兒童，即受嚴格之軍事組訓。一九二八年實施第一次五年計劃，於平時即實施國家總動員法，故在動員準備上，實以意國為最早，但

以國防資源缺乏，故其戰爭潛力，根本上大受限制。

四、英之國防制度；英國於上次大戰後，即成立國防會，及分科委員會，招集國防教育會議，創立國防大學，以養成全國動員之將校與官吏；惟對經濟動員準備，因受自由資本制度之影響，未能澈底置於軍事基礎之上。至一九三九年，方公佈緊急授權法，賦予英皇（政府）全權，包括全國總動員之一切要求，並根據此法，立時公佈國防法規九十六種之多，關於國家安全、維持交通、管制人力、統制物資、皆分別規定。一九四〇年並擴大其職權，將全國所有人力物力財力，皆由政府自由處理。惜其頒佈此法，已在戰爭期中，未免過遲，而大失時效戰之先制之利。

五、法之國防制度；法國為久行徵兵制之國家，人員動員，實為最佳，國防組織，亦甚周密；但在一九二八年之國家總動員法案，參院未加通過；遲至一九三八年，方得公佈。對於動員準備之時間，不免喪失。至於動員機構之備美，亦有足稱，如關於國家戰時組織，人員物資之使用，作戰與行政之協調，經濟組織之轉變等，均為精良。所可惜者，因其戰爭指導與戰術思想趨於保守，且以政黨政制之腐敗，私人資本勢力之作祟，軍事工業不振，工業動員，不及實施；戰爭潛力雖強，尙未轉變為戰爭實力之時，已

爲德國優勢實力所壓倒。

## 第二節 陸軍實力

一、德國陸軍實力：此次歐戰之直前，歐洲陸軍實力之強大，以德爲最，尤其武器與兵員，對於西歐列強，均有絕對之優勢。自恢復強迫兵役制度之初，陸軍常備兵力即在九十萬至一百萬之間，此種兵額之增加，表現德於中西歐武力爭霸之途徑上，有重要之決定作用。其平時實力，幾等英法波比陸軍聯合力量之總和，一九三八年三月，陸軍常備兵編制已有五十四師，更加以迅速不斷之擴充，開戰之初其常備兵力編成已在八十師以上，人員超過一百五十萬。

除常備軍外，德尚可擴充有訓練之後備軍至一百師，此時德之後備軍與歐洲其他國家後備軍有異，因一般國家之後備兵，乃在陸軍正式服役之後所徵調者；德之後備則爲半軍事化組織之人民，並未服過兵役，而以警察，勞動團團員黑衛隊員及納粹摩托團員等爲第一綫後備軍，共有六十至七十萬人，經常住於營中，因此不須動員，即可組成五十師。

至於聽候召集之第二綫後備兵爲黑衫軍與其後備隊，平時雖不住營，但均經嚴格組織，於集中領導之下，受嚴格而永久之訓練，亦有六十萬以上。由此以觀，德常備軍及其後備陸軍（第一綫及第二綫後備兵），不必經戰時動員手續，即可隨時徵集二百五十萬人，編成一百八十師以上。最大可能，有三百師之衆。

德之武器裝備，亦均達現代陸軍之最高水準。戰爭初期，德約計擁有摩托化師及裝甲師，各在十五個以上。摩托化師包括有最新式之越野車輛，就有摩托化重機槍與坦克防禦砲，裝甲師配有四百輛以上之坦克，三千輛汽車與裝甲車，七十尊野砲，二十四尊臼砲，三十門平射砲，與十餘門75級以上之高射砲，並有轟炸機一隊配合作戰。德之中堅坦克在三十噸以上以至六十噸，裝有一寸半至四寸口徑之火砲，可以擊破任何野戰工事。總計各裝甲師及所屬戰車（坦克）總數約在一萬輛以上。

而最具有決定性之因素者，厥爲德軍對新戰鬥性能之特殊訓練，尤其進攻時突擊技術方面作有系統之長時訓練，如輕重裝甲師、及摩托化師與步兵師之聯合動作；裝甲部隊與步砲兵，航空部隊等之聯合行動，均經澈底聯合訓練準備純熟。凡此均爲德國陸軍實力强大有力之因素，而正爲英法之所忽視者。



二、意國陸軍實力：意大利之人力，雖不為寡，但以國防資源之薄弱，使其無法充實其裝備。戰前陸軍，平時為三十九師，分為本國軍隊及殖民地軍隊兩部，此外有由法西斯人民軍訓發展而成之護國義勇軍、警察隊以及巴利拉少年團、前衛戰團等，戰時兵力最多不至超過八十師，可動員二百萬人。但其武器裝備則不充份，雖擁有三摩托化與流動化師，一機械化旅與數團之突擊隊，但并未配備新式戰車與大口徑高射砲，軍隊機械化之程度較德相差遠甚。

整個意陸軍之戰車，最多不過一千二百輛，大部為小型者，西班牙戰爭中已充分暴露其裝甲力之不足與火力之微弱。八噸以上戰車為數極少，但在德軍中，八噸以上者僅可視為輕戰車，因此意陸軍之戰鬥力，已受限制，攻擊力方面，亦未配以充分之火力；機械化之武器，更未能與摩托化之運輸并進。此外，步兵師之火砲與自動火器，尚不及法國。至其人員之素質官兵程度至為不齊，堅忍毅力，尤為缺乏，故就意國陸軍素質言，不僅不能與德法陸軍相拮抗，即比之英軍，亦大有遜色。

三、英國陸軍實力：英自三島統一以後，迄未分裂，故陸軍以其優勢海軍之護衛，於國內無用武之地。因此陸軍成立之目的，僅在殖民地之增援與大陸之助戰。一九三八

年初，英仍爲歐洲陸軍落後之國家，當時正規軍僅有五師，加上志願之國土軍，亦僅十四師。後於一九三九年十月，加強正規軍之裝備，建立機動性摩托化步兵師與裝甲師，又將國土軍增至十八師，其中五師爲防空師，九師爲標準步兵師，三師作爲摩托化步兵師，一師成爲機械化機動師。如是，國土軍亦可成爲正規軍之第一綫兵力。後於一九三九年三月，國土軍之陸上部隊，又增爲廿六師，綜英全部陸上部隊，戰前爲廿二步兵師，四裝甲師及六摩托化師，兵員約四十萬。戰時全部兵力，可能動員二百萬，編成一百五十師。大體言之，英陸軍於戰爭前夕，猶在着手改進過程中，雖努力於機械化之建立，但軍械裝備均未能完成現代化之要求，坦克爲數既少，官兵訓練亦差，加之徵兵制實行最晚，戰術訓練及戰鬥精神，均遠不如德法，故於此次歐戰初期，英國陸軍實不足以言有決定之力量。

四、法國陸軍實力：法國地理形勢，既無英海島地勢所造成之天然屏障，又無如蘇俄之廣大空間，故其國防安全與否，實大半繫於陸軍實力之強弱。以數量言，不亞於德，戰時可以徵召入伍之人數可以多至六百萬，其中四百五十萬爲後備軍。惜自第一次歐戰勝利後，以保全既得利益爲已足，戰術思想，偏向於守勢作戰。戰前常備軍在本土者

僅五十萬，包括職業兵十萬，故此時法之陸軍實力僅相當於德三分之一，尙不足作自衛之用。卽戰時動員後備兵所可編成之師，亦以其動員程序之迂緩，須經過相當時間之編制，方可逐次參加作戰。

且因軍事技術落後，非但未能以現代進攻武器裝備其軍隊，卽以堡壘爲基礎之守勢軍備亦未能改建其陸軍。一九三八年所宣佈現代化之改革計劃，且始終未付實施。其坦克行動遲緩，全不適用於獨立作戰之用，總數亦僅二千輛。至於摩托機械化部隊，不過虛擁其名，視爲掩護步兵之附屬部隊。卽向以野戰砲兵聞名於世，亦未使其裝備現代化，僅其少數砲兵團加以摩托化而已。

現代之守勢作戰，本需要反攻之裝備，而法於戰爭初期中，尙缺乏可以反攻之軍備，卽守勢作戰之裝備亦嫌不足，如坦克防禦砲與高射砲之缺乏是也。以是法國陸軍，僅有舊式步兵師之各兵種。更由其未能採取攻勢戰術之訓練與攻擊武器之裝備，致使第一次歐戰後獨步歐洲之第一等陸軍，凌夷而成爲最落後之陸軍，自不足與德相提並論也。

五、蘇俄陸軍實力：歐洲陸軍中，唯一足以與德抗衡者，當爲蘇俄之紅軍。平時兵員約爲二百萬人，組爲常備軍之基幹師，後備軍則在一千萬以上，故較德尤多。戰前更

迅速增加完全受訓之後備軍官兵人數，由一九三五年之每年六十五萬增至一九三九年之每年一百萬人。戰時可能動員第一綫兵力，可達四百師，數量優勢，允稱全歐之冠。

現代陸軍之攻擊威力在流動性上言之，實決定於摩托化武器之裝備。據戰前估計，蘇俄擁有萬輛以上之坦克裝備。其供給步兵用之新型坦克，較同類之法國坦克裝甲尤厚，且有其二倍之速度。突破式之重坦克，較法有更強之裝甲與四倍之速率。此種模型（TG-ST）重一百噸，時速二十五哩。裝有十公分半口徑之大砲一尊，三十七公釐口徑之大砲兩尊，以及重機槍與高射機槍各兩挺，幾具有一機械化砲台之火力。且紅軍每一步兵師均配有四坦克重營，可於任何情勢中應用之，并與各種兵器相合作。有裝甲斥候戰車、作偵察任務，水陸兩用戰車與雌性裝甲戰車，支援步兵進攻。

關於紅軍砲兵力量，一九三九年夏季蘇俄半官方之報紙「今日之俄國」，曾作如下之敘述：紅軍有中型口徑砲（六吋重砲與榴彈砲）六千尊，大口徑重砲（八吋至十二吋重砲）二千尊，連同小口徑（五吋以下）輕砲，總數約在二萬尊，均受極嚴格之訓練。同時步兵師之武器裝備亦極加強，每一步兵師之自動火器，戰前已增至百分之四百，砲之配備增至百分之二百五十。故火力裝備，與德不相上下。

總括言之，蘇俄陸軍之實力，無論兵員與配備，在量一方面較德為優，但在組織…術與指揮運用方面，則較德為差。對於攻擊亦無特長訓練；而紅軍唯一之弱點，尤在戰前受肅黨清軍之影響，以致高級指揮官及參謀人才之缺乏。

據上所述，戰爭初期中，軸心德意之陸軍實力，有較英法三倍以上之優勢。其一為軸心人力之全部訓練有素，可以建立大量優越性之陸軍，決非英法之所能幾及，其二為軸心具有大量之進攻武器，僅德一國之坦克與大砲，即較英法所有超出兩倍以上之優勢，而德之空軍優勢比之陸軍尤為卓越。

## 第二節 空軍實力

一、德國空軍實力：此次歐戰初期空軍實力之強，以德為首，蓋以德為資源所迫，技術所助，不得不於海陸空三軍中，擇一既廉且速之攻擊武力，於是空軍之擴充適當其選。在希特勒秉政前，以凡爾塞和約之禁止，各式之軍用航空機，猶假民航機，郵機以掩飾。迨德聲明恢復軍備後，已不必再要祕密，而努力於軍事航空訓練軍用飛機及各種防空武器之製造。

一九三九年德所擁有之高射砲，已較歐洲各國所有總和為多。戈林對空軍之瘋狂擴

張，英法若熟視無睹，未作任何之反應。以是慕尼黑黑會議中，希特勒公然肆言：「德有一萬架優良飛機，準備於任何時機對敵國之首都上空釋放」。當時英法共有高射砲尚不足五百尊，若在德三千架轟炸機相形之下，英空軍立能出動之轟炸機僅二百架，法較英尤少，飛機產量低至每月僅五十架；德則可能有六百架之產量。當時歐洲飛機在數量上能與德匹敵者僅蘇俄一國。故英法之與蘇同盟，而由捷克以打擊德國，在戰略上實為慕尼黑黑協定以外之唯一有利途程。

德空軍於戰前實際之數目，約為一萬至一萬二千架。姑假定慕尼黑協定前德飛機生產量每月六百架，戰爭初起時增至一千架，則一九三九年底，其第一綫飛機當達一萬五千架。即使以飛機生命短促，一九三六甚至三十七年之飛機不能列於一九三九年之列，其實際數目仍可與估計者相若。且公開之事實，德之第一綫飛機共有四大縱隊，每隊一千七百架，另有東普之一隊與最高統帥部之一隊。即如此計算，其第一綫實力亦在八千至九千架之譜。其空軍基地東在柏林；北在敦倫斯維克；南在慕尼黑；東南在維爾納。飛機場在建築中者約有九百處，其中一百八十處為永久軍用機場。

德之空軍非特數目龐大，且在技術上亦屬優良，兩種主要轟炸機之型式為海因革

Heinkel-3 與多尼爾 Dornier-17 式，均係快速之中型轟炸機，能攜一千五百至二千磅之炸彈而保持三百哩之時速與一千五百哩之航程。戰鬥機美許米式 Messerschmitt 爲世界最速飛機之一，試驗時有四百六十哩時速，除固定之機槍設備外，裝有自推進軸上發射之自動三七.5 砲，可能於遠距離外即可擊中敵機。

二、英國空軍實力：英國空軍尤其量一方面均不足與德抗衡，慕尼黑協定時，英機產量尙不及德之半，且無飛甲國外三百哩之轟炸機隊。戰前一年，英邁力追德，產量顯已增加。其最馳名之旋風式 Hurricane 噴火式 Spitfire 時速三五〇英哩，裝有八挺固定機槍，可能每分鐘發射子彈五千發。惟於倫敦及各大據點，尙無足夠之鐵鑊機，且空軍中苟缺乏轟炸機，根本不足以言攻勢，故此時英空軍實於被動之劣勢。

其實際數目之多寡，據英航空大臣一九三九年四月之報告，第一綫千七百五十架，海外五百架，向美定購五百架，如此計算其第一綫飛機，戰前不過三千餘架，一二兩綫共亦不過五六千架，由於本土之易受襲，與整個帝國各地之需要，英必須有較德三倍之實力，方足使用。戰爭初期，由於美國之援助與加拿大飛機製造業之成立，英國於戰後二年，方可彌補其生產設備之不利。而於原料獲得方面，則較德爲佔優勢，故於戰爭

後期，英空軍實力未嘗不可駕德之上。

三、法國空軍實力：法之飛機製造業，戰前數年中，已默默無聞。一九三七年尙從事於一九三四年飛機模型之製造，而其他國家則早致力於一九三六年之模型製造矣。因之法飛機於製成前，卽有已成廢物之可能。其中最大緣由，除法拒絕採用動力時代之生產方法外，並將飛機製造業收歸國營。而自一九三六年起受長期罷工之損失，一九三七年數月中，全法所造之飛機尙不足四十架。

慕尼黑協定後，法將所有訓練人才均集中於飛機工業，第一年底生產量，已增至每月二百架。技術亦頗爲進步，新式之亞半奧轟炸機，能攜重一噸之炸彈，以三百哩以上之時速連續飛行一千二百哩。國防部并向荷蘭及美定購大量飛機，故其空軍總數，在戰前約共爲三千架，第一綫約一千五百架，惟其中百分之六十爲舊式飛機。實力脆弱，自衛不暇，遑言攻擊。

四、意國空軍實力：意大利空軍實力較法爲強，但有四分之一駐於非洲。意於戰前若干年中，卽以空軍稱雄，而於戰爭爆發時，則不如英，據專家報告，戰前三四年，意空軍卽達發展之最高峯，但在阿比西尼亞與西班牙兩度戰爭中，以受殘酷之試驗，證



明有相當弱點，尤其馬力不足。於是意又悉心研究改進，此時英德諸國空軍突飛猛晉，意遂瞠乎其後。落後之最主要原因，又當以意重工業與意經濟實力之脆弱。

意空軍自一九三四年起訂三年擴張計劃，經過阿比西尼亞戰爭，至一九三八年末又行改編。戰前實力約有六千餘架，第一綫約在二千五百架。每月生產能力，推算有四百架。型式近百種，優劣參差不齊，其最優秀戰鬥機為飛亞 C. K，三二式與 C. K，四二式兩種，轟炸機最優秀者為薩弗馬舍提 (Savo Machetta) S. M 七九式，S. M，八一式，與卡布羅尼 (Caproni) G. A，一二三式。以速率言，均遠不及英德。德轟炸機最高速率每小時達三三〇英里，較意最速轟炸機超過六十英里；英之布連咸式 Blenheim 亦有二九五英里，較意超過三十英里。

由以上種種觀察，意空軍實力，并不若其誇張之大。戰爭初期中即令英德大規模海空戰發生，意空軍所能供獻與德者恐亦不大。

五、蘇俄空軍實力：歐洲另一空軍強國則為俄，一九三六年，俄空軍佔世界首席，一九三七年與德互有短長，但至一九三九年，似又稍遜於德，生產量約德之半，戰前實力約在一萬架左右，質亦相當優秀，有速度不高而精良之長距離重轟炸機，遣往西班牙

之中型轟炸機亦曾獲得輝煌之戰果，又可注意者，即俄擁有巨量跳傘部隊，於敵後進攻，尤能獲得奇襲與迂迴之效。惜蘇生產技術之發展較德仍為落後，而工業之發展又未能逃越政治清黨之損害。

總之：所謂空軍實力之強弱，其意義本不僅及於飛機生產量之多寡，而尤以飛機駕駛員與機械士為尤要。每一優秀之轟炸員與機械士，須經四年之訓練，而每一重轟炸機於製成後，須有十五至二十技能不同之人員以料理之。是以美俄二國，均以廣泛利用民間航空，以克服廣闊之空間，企作飛行員與工人之儲備。蘇俄更於跳傘，滑翔與防空工作方面訓練數百萬人員。德曾起而效尤，戰前成績尚不及俄。英空軍可云技術優秀，對建立中之龐大空軍人員與機器則均嫌不足。故英法陸空軍比之德意，已成絕對劣勢而唯一之優勢所在，僅為海軍。

### 第三節 海軍實力

一、英國海軍實力 歐洲列強中英海軍保有壓倒任何兩國聯合之絕對優勢。溯自一九三五年阿比西尼亞事件中，英艦倉皇馳離地中海，自馬爾他改泊亞歷山大港之後，

英已認真重建其海軍。戰爭爆發前，已採輔助造艦之計劃，以圖抵消德潛艇之威脅。其在建造及設計中之總噸位達八千萬噸，五艘三萬五千噸主力艦已建造，其中喬治五世號與威爾斯親王號已於一九四〇年年底編隊服役，繼之則有四艘四萬噸裝有十六吋大砲之主力艦即將建造，七艘航空母艦亦在建造中。此外尚有四十艘左右之強大驅逐艦，十九艘潛艇與大量之小型艦艇。

歐洲任何艦艇均不足與英之十二艘主力艦相匹敵。其中最老之十艘已於戰前數年全部現代化，三艘戰鬥巡洋艦——胡特號，多聲號與擊退號，於速率暨射程方面均超越任何德國重巡洋艦。且英猶有擬達成無可匹敵七十艘巡洋艦之標準與二百艘潛艇之計劃。

英艦隊担任之防務，計分九區：一、國內艦隊，防守英本國；二、北海艦隊，防守北海并保護北海之交通運輸，作戰上主要對象為德俄；三、地中海：隊，防守亞爾他，直布羅陀，蘇彝士，并保衛英與亞洲間之聯絡綫及運輸。在作戰上對象為意；四、大西洋艦隊，保護大西洋上交通運輸及加拿大，紐芬蘭等地之安全；五、印度洋艦隊，防守印度及亞丁，保衛印度洋上交通運輸；六、遠東艦隊，防守新加坡，馬來亞，香港，軍事上對象為日；七、澳洲艦隊，防守澳洲；八、紐西蘭艦隊，防守紐西蘭；九、南非艦

隊，防守南非并保護其附近之英海上運輸。英以如是之強大艦隊，僅恃歐洲艦隊即可操縱歐洲西南海上之霸權，若益以由法獲得海軍之援助，自足以抗德意之全力而有餘。

二、德國海軍實力：次於英之海軍實力，在歐洲即應推德，一九三五年英德海軍協定後，波始脫離凡爾賽和約之束縛而得重整海軍。此次歐戰前，在建造中之俾士麥級三艘三萬五千噸之戰艦，確足以一倒波羅的海蘇俄海上之霸權。因該艦等吃水既淺，船幅又廣，頗適於波羅的海海上之戰鬥。且波為從事海上海擊戰，一九二九年即造成袖珍軍艦波意志號，排水量一萬噸，可裝十一吋口徑之大砲，有二十六哩之時速與一萬六千里之巡航半徑。

與德意志號為姊妹艦之希爾上將號及格拉斯特上將號當造成時，其速率較任何戰艦為大。至一九三八年，德又完成二萬六千噸之（桑霍斯特）Scharnhorst 號與久生腦（Gneisenau）號，亦為裝有十一吋砲之長航程戰艦。其與希爾上將號同級之五艘一萬噸之巡洋艦，為現存艦艇中防禦最佳裝備最強之代表。此外另有六艘裝五，九吋砲之輕巡洋艦。

據一般估計，在次戰爭爆發前，德至少有潛艇七十艘，在建造中者有二十至二十五

艘，小型潛艇於水面之速率爲十三哩，水中速率爲七哩，其中U字形艇，建於戰前數年，較一般均爲新穎。所以德潛艇於此次歐戰初期之活動，較上次大戰時，或尤過之，並爲英艦艇最大之威脅。

三、法國海軍實力：法之作戰計劃，係建立於所謂廿萬北非軍隊與三十萬殖民地工人之集體輸入，故法艦隊之建立，所企圖保衛之航程較短，以是對主力艦之建造不甚注意。其對德意志號之反應，爲建造二艘二萬六千五百噸之戰艦敦刻爾克號與斯屈拉斯堡號。裝甲與效率均較袖珍軍艦爲優。二方形砲塔中裝有八尊十三吋之大砲，當德艦隊於一九三九年五月在西班牙海面演習時，法上述艦隊適如其時駛至葡之里斯本(Lisbon)，距直布羅陀頗近，作爲未來英法艦隊合作之無聲警告。

同時根據一九三八年建立均衡現代化七十萬噸艦隊之計劃，法於戰前亦開始建造其他艦艇。七艘八吋口徑砲之巡洋艦與十一艘六吋砲之巡洋艦，均爲對德意之巡洋艦而設計。更由於德意主力艦之建造，使法反主力艦觀念亦迅速減削。三萬五千噸之李却立號已於一九三九年一月下水，并計劃建造三艘姊妹艦，將將上次歐戰日德蘭大戰前舊式主力艦中之三艘加以現代化。

英法海軍當局於此以前，曾商定密切合作，於地中海戰爭中，法將担任西地中海防禦工作。一九三九年春季，法艦隊區分為三分隊。大西洋艦隊包括五艘主力艦，三艘輕巡洋艦；地中海艦隊無主力艦，但有四艘重巡洋艦與三艘輕巡洋艦及輔助艦艇，其餘則為殖民地艦隊。

四、意國海軍實力：上次大戰後意大利之海軍瞭望台，被限於狹窄之地中海海面。海軍作戰之目標在西方，其強大之敵為法。但於進攻阿比西利亞時，由馬爾他至東非途中，始感在在受英領土勢力控制，英艦隊隨時可側擊由意南至吉布的之二千二百哩交通綫，則意之東非，不啻英海軍之典質品。以是意海軍之要求，過去限於地中海短航程之戰鬥，今已擴展至印度甚至大西洋。

同時意艦艇之性質亦隨之變更，早期之巡洋艦及小艦艇，已為四艘三萬五千噸之戰艦所補充，可裝九尊十五吋之大砲。戰前主力艦中之二艘已全改造，裝有十尊一二，六吋之大砲，其餘兩艘亦在改造中，故於一九四一年底意造艦計劃完成時，可擁有八艘——（二十四萬噸）之強大主力艦隊，與二十六艘一千噸以上半徑五千哩之小艦。惟意對航空母艦仍付闕如。

意重巡洋艦共有七艘，與法可相拮抗。輕巡洋艦共有十二艘，每艘約在五噸以上。三三六二噸之小型巡洋艦亦有十二艘，裝有速射之五，三吋砲，預計於一九四〇年參加服役。其○五噸之潛艇可組成潛艇陣地，惟多數過小，僅能使用於地中海。而其另一特產為小型魚雷汽艇，攜帶二管魚雷，可以四十七哩時速向敵突擊。

意海軍實力，雖不及英，但可與法周旋而尤以潛艇佔絕對之優勢。其在精神與訓練上均採攻勢。

五、蘇俄海軍實力：至於蘇俄海軍實力之強弱，以其當局之諱莫如深，故尚在未知數之中，惟在潛艇方面，蘇俄擁有相當實力，意之海軍年艦曾稱蘇潛艇有一百六十艘，或謂其有二百十艘。其巡洋艦實力，似為波羅的海與黑海所分，驅逐艦亦然，二萬三千噸之老式戰艦有三，其中二艘駐於波羅的海；另一與附屬艦艇則泊於黑海，故波羅的海之海軍優勢在德而不存俄。

總之列強兵力，欲以數字表示其強弱，實難正確，尤其海軍，如已成軍艦之年齡，建造中者之完成時日，海軍根據地之多寡優劣，與交通及戰略上之地理形勢等，對於某一國家在軍事實力上，均有重大之影響。

二次歐戰初期英法俄德義戰力統計表 一九三九年十二月止

戰		區		人					
				領		口		分	
士	屬	本	女	男	百	總	國	別	
農田佔全面積百分數	地	萬方公里	(萬)工	(萬)工	(每年增加百分數)	(萬)數			
一二	三一八〇	二四	七〇〇	七〇〇	八	四七〇〇	英		
六〇	一一九四	五九	一四〇〇	一三〇〇	四、三	四二〇〇	法		
(歐俄)七〇		二二三五	五二〇〇	四七〇〇	一〇	一七五〇〇	俄		
六三		四七	二七〇〇	二五〇〇	一五、七	八八〇〇	德		
四二	二四〇	三一	一四〇〇	一三〇〇	一二	四五〇〇	意		

歐洲列強軍備競爭



		潛 力							
最大兵員 (萬)	動員能力	工業能力	自給百分數		工. 具 (商船) (萬噸)	運輸 (汽車) (萬輛)	資 物		
			原 料	食 糧			(石油) (萬噸)	(煤) (萬噸)	
一二〇〇	丁	八〇	五五	二五	一七八九	四九	二七	二六二〇〇	一三一九
一〇〇〇	戊	七〇	四八	八三	二九三	二五	一四	五四〇〇	九二七
四〇〇〇	乙	九〇	八〇	一〇一		二二	八〇	一三三三〇〇	一八〇九
一九〇〇	甲	一〇〇	六二	八三	四四八	三六	二四	二〇一〇〇	二四九七
一〇五〇	丙	六〇	一九	九五	三四二	七	九	一〇〇	二三二

實 爭 戰

海		軍		空		軍		陸	
航空母艦	主力艦 (艘數)	總噸位 (萬噸)	每月補充數	轟炸機 百分數	預備 (架)	常備 (架)	戰車 (輛)	後備第一綫 (萬)	常備 (萬)
七	已沉二在外 一五	二〇二、五	二〇〇〇	五五	三〇〇〇	三〇〇〇	一〇〇〇	一五〇	三二
一	七	七〇	一二〇〇	四七	一二〇〇	一五〇〇	二〇〇〇	四五〇	一五〇
三	四	三五	一〇〇〇	五〇	三五〇〇	七五〇〇	一二〇〇〇	一二〇〇〇	二〇〇〇
	七	五二	二五〇〇	六五	六〇〇〇	九〇〇〇	一〇〇〇〇	二五〇	二五〇
	四	六九	七〇〇	六七	三〇〇〇	二五〇〇	一二〇〇	一六〇	二〇〇

歐洲列強軍備競爭

力			
軍			
潛水艇	驅逐艦	輕巡洋艦	重巡洋艦
五五	一七九	四五	一五
七五	七二	一二	七
七〇	六〇	五	七
一六〇	四四	七	二
一〇五	二三四	一四	七

## 第二篇 二次歐戰經過

無論歐洲秩序破壞之起於何時，亦無論軍事佔領之起於何處，國與國間，雙方以武力正式衝突者，當以一九三九年九月一日希特勒發動侵波之戰始。自此以後，二次歐戰之大小戰役，陸續發生於北歐、西歐、南歐，以至非洲與中東。作戰程序均為德所決定，大不列顛有朝不保暮之勢。及德攻俄，戰爭轉向東歐，演成數次大戰，歐俄亦將不保，隨以美國加入同盟，二次歐戰亦演成世界性。俯仰之間，瞬已五載有奇。

五年餘同盟與軸心繼續不斷之惡鬥，雖戰役先後之主從不同，但自同盟國言，始終為反軸心之戰爭；所不同者舊之同盟瓦解而新者形成，擊敗者逼作附庸，中立者捲入參

戰自軸心言，自一九三九——四二年，可謂希特勒之黃金時代，雄霸中歐，進據北歐，席捲西歐，侵入南歐，而轉師東歐，有戰必克。西班牙名爲中立，而實爲之幫凶，芬、羅、保、匈諸國，事實上亦均成侵略者之爪牙，故當時之整個歐洲，除土耳其、瑞典、瑞士戰戰兢兢立於烽火邊緣外，其餘無不捲入戰爭之浩劫中，侵略者氣焰之盛之狂，可謂登峯造極。曾幾何時，一九四二年冬繼史大林格勒（Stalingrad）之役後，蘇俄大反攻，穩定歐洲之戰局，不轉瞬而法西斯意大利傾覆，第二戰場開闢，勢如怒濤之紅軍，更追奔逐北，捲入中歐，矜誇之歐洲堡壘，到處頽圮，而尤要者則爲民主搖籃之法蘭西，迅速得以解放。

歐戰進入第六年，西綫盟軍已解放荷、比、盧，東綫俄軍亦盡復失地，且自芬蘭至巴爾幹全線向德反攻，在北歐、芬蘭投降；在中歐，俄軍迫近東普與瓦沙；在巴爾幹納粹附庸各小國，變亂盪起，逐一解放；俄軍更伸入匈境，溯多瑙河直指德之心臟。希特勒當年征服全歐之雄心，今已退至內線核心，且難自保，痛惜良機已失無可奈何矣。

今後，於全歐人民之民族解放鬥爭下，於東西盟軍之聯合作戰兩綫攻擊下，其結果必爲法西斯主義及國社主義政權之毀滅，同時亦爲民主自由歐洲之再生！

總括二次歐戰經過：最初之中歐與北歐戰場，乃以德爲主，俄爲助，而以弱小爲犧牲之序幕戰；西歐南歐地中海兩岸之戰場乃以德爲主，義爲助，而對英法爲主體之西歐決戰；及德轉師東侵乃以俄爲對象，英美爲俄支援之東歐決戰，最後以意投降，俄反攻，英美加聯軍分攻德之歐洲堡壘，可稱爲全歐之決戰，茲分述如下。

## 第一章 中北歐之序幕戰

### 第一節 波蘭戰役

自三國會議失敗，德俄協定成功，希特勒即閃擊波蘭，迅將德軍集中完成，一面宣戰，一面突入，其北方面軍由波克 *Bock* 指揮，分由波摩拉尼亞與東普進入走廊；南方面軍由隆德斯特 *Rundstedt* 指揮，分由西里西亞及斯洛伐克進入南部波蘭，以鉗形之兩翼包圍，指向瓦沙會師。德陸軍總司令布勞徹茲 *Blau* 則親赴東普統一指揮，更以南大縱隊之空軍襲擊波蘭空軍根據地及各大鐵路交通中心，以致波蘭始終未得完成動員與集中。

因波蘭動員集中計劃早已爲德統帥部所探悉；甚時波蘭常備及第一線預備兵共僅四十個步兵師（每師一〇一〇〇人）與兩個戰車旅獨立戰車營戰車共約九百十輛戰列飛機共約三百架。德軍則集中四十五個步兵師（每師一六〇〇〇人）與六個裝甲師共有戰車三千二百五十輛。飛機兩大縱隊共有二千五百架之多。故在兵員素質訓練指揮武器裝

備補充以及情報業務等無不佔有絕對之優勢。

波蘭於遭德攻擊之日，即要求英法馳援，時張伯倫與達拉第對和平迷夢猶存死灰復燃之念，適墨索里尼提議召開英法德意波五國會議，討論和解辦法，英法對此不加反對，但以德軍退出波蘭爲前提。及至三日，一切和平幻想均爲德閃擊所粉碎，英法乃對德宣戰，俄、意、美及歐洲各小國均相繼宣告中立。

戰興五日後，一千六百英里之波蘭戰線已爲德軍到處突破。十日後，德軍更尖深突入至維斯杜拉河(R. Vistula)中部。瓦沙已在合圍之威脅下，開始作死守之準備。十五日後波蘭西部已全陷德手，波軍三十師之衆被圍被殲，整個崩潰，尤以庫特諾(Kielce)之陷網，重重包圍，德將波克更不計犧牲加以猛烈突擊。此時德軍主要企圖，在於一舉對於退集於布格河(R. Bug)、桑河(R. San)與維斯杜拉河三角地帶之波軍主力加以殲滅，瓦沙已成次要目標。九月十七日，德軍南北兩翼之大包圍圈，於不勒斯特，里多夫斯克(Brest Litovsk)南之烏多大瓦(Wlodawa)啣接，全部殘餘波軍已無逃出之望，德空軍更日夜狂炸瓦沙，二十七日瓦沙守軍投降於瓦沙投降之前五日德已攻陷羅夫邊都之波政府，全部逃入羅馬尼亞。



當德軍進抵布格河與桑河之線，蘇俄亦於九月十七日，出兵進佔波蘭東南部。二十七日，紅軍佔領喀里西亞補區，抵達匈牙利邊境，因而德軍通過波蘭向羅馬尼亞亞之道路，感受威脅而中止。以此又引起德國之不安，里賓特羅甫急飛俄京，經兩日之談判，德俄成立劃界協定，并發表共同宣言，波為德俄瓜分。

紅軍侵入波境之時，雖未遭波軍強大之抵抗，但進軍形勢，極為緊張；因東波若干地區，已為德軍佔領，德俄軍隊，幾至發生衝突；希特勒九月十九日於坦澤演說：「德國已提出其有限而不可變更之要求，且必予以實現。」已隱示德國之甚大不滿；德外長兩次飛俄，邊界分割問題，方得解決。

九月二十八日德俄劃分波蘭為三部：西部以東普起以迄上西里西亞波蘭捷克邊境，幾包括波蘭工礦全部為德兼併區；東部由東普新界至波蘭斯洛伐克邊境，包括波蘭主要之油田與農田為俄兼併區；在東西兩區間之中部稱為波蘭政府，置於德國保護之下，作為德俄緩衝地帶。

但波蘭從來為歐洲戰場之特質，並不因此而改變，且將中歐英法德俄勢力衝突之焦點，而直接變為純然德俄兩國之衝突。此為紅軍出動對整個歐戰所造成之一大變化；苟

於此時，英法政略，能操主動，勝起德俄大戰，則此次歐戰之變化則將更多。

俄國出兵第一目的，爲阻撓德國向東歐之過度發展，直接影響其國防戰略之安全；第二對英法誘德東進之斂略企圖，予以根本上之打擊。德以侵波全勝之勢，所以對俄讓步，平分戰果者；原爲顧忌英法在西綫之行動，懼於促起英法與俄三國同盟之復活，陷於東西兩綫之受夾攻，乃盡力與俄言好，擺脫東綫之壓力；俄之所以始張終弛，亦未嘗非受英法驅德東進政策之威脅，不能不適可而止，但非德俄爭之根本原因，以分割波蘭而消滅，且因波蘭分割而加甚焉。

## 第二節 芬蘭戰役

波蘭戰役雖告結束，蘇俄西境擴充至於中歐，尙有波羅的海與黑海兩端，未策安全，故於進兵波蘭之後，即以全力貫注於波羅的海各國暨土耳其關係之調整。先後於九月二十八日，十月五日、十日，成立「俄愛」、「俄拉」、「俄立」三互助協定，俄將三國要地建築海空軍根據地。惟波羅的海各國中最足以威脅俄之西北國境者乃爲芬蘭，而芬又內恃曼納林（Mannerheim）防線之堅強，外仗北歐集團與英美之聲援，對俄不肯屈膝。

，遂演成蘇芬戰役，佔有大戰第一年之整個冬季。

十月五日，蘇俄要求芬蘭，以貿易上利益換取相類與愛、拉、立所定之協訂，租借漢科（Hanko）半島三十年，取消芬蘭邊境之堡壘。芬代表團三度往返於芬京與莫斯科之間，以各堅持本國立場，談判毫無結果，終至決裂。十一月下旬邊境已有衝突。十一月三十日，伏羅希洛夫（Voroshilov）指揮蘇俄大軍，分五路突入芬境，戰事遂於漫天風雪中揭開。

在北極，嚴寒之戰場，俄軍進展，頗為天時地形所限，而芬蘭英勇強烈之抵抗，更予俄軍以阻遏之打擊。及至十二月下旬，北線俄軍始將北極圈內長狹土地佔領，中路南路側擊與正攻曼納林防線者，均久持不下。此後，因芬蘭各處風雪凜烈，俄軍進退維谷，戰事轉趨沉寂。直至一九四〇年一月，曼納林防線屹然未動。二月初旬，俄軍展開最大攻勢，於卡累利亞地狹增集三十萬大軍，猛撲曼納林防線，芬軍肉搏苦鬥，卒以衆寡懸殊，十五日，俄軍突破第一道防綫，二十日，曼納林防綫通芬蘭灣孔道之科維斯多（Kovisto）要塞，俄軍攻佔，於是維堡（Vi堡）危急。三月八日，俄軍將芬蘭灣各島全部佔領，曼納林防線瓦解。國際援助不至，芬蘭惟有俯首議和。

三月十二日俄芬和約簽字，芬蘭無條件將卡累利亞地峽與芬蘭灣中各島嶼割讓於俄，并租借漢科半島三十年。其時蘇俄軍事上所得雖多，實不足以補償其於政治上之所失。既使英俄合作前途日遠，更使美對俄實行道義禁運。同時西歐國家亦以同情芬蘭，畏忌俄，而鬆弛對德。

蓋自俄與德協定，與德分波以及與芬作戰以還，國際間，無不密切注視其行動；義之對俄嫉視尤甚，德俄協定以後，德義軸心，已名存實亡，而義對東西歐巴爾幹早具野心，因俄士談判，大受威脅，故義於芬蘭戰中，首先援芬。

英法自與俄談判不歡而散，莫洛托夫又一再為德和平攻勢，作有力之聲援，以攻擊英法；及波蘭分割後，俄向東南歐發展，英法尤為震動，遂展開白熱化之外交戰，所以俄士談判，中途停頓，俄芬談判終至破裂，英法遂藉國聯，開除俄會員國籍，復向瑞挪假道，實際援芬。

北歐瑞典挪丹麥與芬本有盟約，但懼於強大俄德之威，敢怒而不敢言，然以唇亡齒寒，切身利害所關，瑞典曾派志願軍赴芬助戰，挪丹亦在暗助。美自調解芬戰不成，即許芬以軍火物資之援助，世界輿論，且發動援芬募款運動。

及芬蘭失敗以後北歐諸國，即徘徊於英德兩大國之間，而迄未能決定去從。英以政治經濟支配勢力，迫之向東對俄，向南對德；但以德俄軍力戰略地形之優越，使之終不敢作態度鮮明之表示。

蘇芬戰爭中，芬曾一再求援於英法美，英法並經一度計劃，對俄作戰，終以挪瑞中立，無法假道。苟當時真正引起對俄戰爭，則歐戰之演進，不知至於何極；此實為英法俄美等反軸心戰之大幸也！

至於德之視俄，無論其分波侵芬，皆以對德為理想敵之舉動，固非不悉；但以英法之政略，始終不定，西綫之主力戰尚未開始，不得不勉強中立，以表現為德俄協定之勢力作一穩定之象徵焉。

### 第三節 丹挪戰役

自波芬淪陷半年之間，西歐靜寂幾如平時。因此整個西綫除局部小有接觸外，亦平靜無事。英法因此均普遍流行苟安心理，美國更不關切，其他小國則極端動搖；凡此動搖徬徨之情緒，均為希特勒積極準備之良機，無論西向荷比或北向斯堪的那維亞半島之

攻擊準備，均已充分完成；適英法以海軍封鎖挪威領海，德遂襲擊丹挪採取先發制人之戰略。於一九四〇年四月九日，輕敵一擊之下，丹挪即爲德所征服。

四月五日，德之攻擊丹挪準備完全成熟，英始致牒挪政府，威嚇其對挪領海中德艦採取行動。八日，英正式宣佈沿挪海數處已佈水雷，挪政府此時猶對英提出抗議，殊不知德之陸海軍已在奔向丹挪途中。九日清晨，德海陸空軍倏然臨境，丹麥猝不及防，德遂於毫無抵抗下佔領丹京哥平哈根（Copenhagen）及其他重要城市。十二小時內，德軍佔領告成。至於挪威，德藉事先間牒與陰謀，一舉而於同日上午前佔領自挪南海面至西面約三三五哩之沿海口岸。納維克（Narvik），克立斯提安桑得（Kristiansand）斯達文格（Stavanger），德倫的英（Trondheim）均告失守，首都奧斯陸（Oslo）亦於下下四時爲德進佔。

此時英法聯軍顧忌犧牲，企圖以海軍封鎖爲主，以威斷半島德軍與大陸之交通，然後登陸，不料德以優勢空軍掩護其輕級海軍與英海戰，使英非特封鎖失敗，即海軍亦倍受損失。英法始改變戰略，派遣陸軍於挪中及挪北登陸。事因倉卒決定，準備不充，登陸時復遭德空軍之重創，終於五月初撤離挪中。其時挪北那維克（Narvik），猶在英法

手中，與德爭持。二十八日，由於西綫大賊爆發，形勢危殆，爲挽救西綫，挪北英軍隨  
即撤退。

## 第二章 西歐之陸海空戰

自英法聯軍於挪中德倫的英失敗退後，北歐戰役，不啻已告結束。此時德之作戰目標已轉而西向，蓋德於亡波後，本擬即轉旆西指，一九三九年十一月德軍曾兩度集中於荷比邊境，旋因美副國務卿威爾斯歐洲之行，意在調停戰爭，希特勒未始不欲不戰而屈人之兵，無如所望過奢，未能適可而止；威爾斯致不得要領而去，當時荷比危機又起，因英於挪海敷雷，始將德之目光移至斯堪的那維亞，荷比暫安。今則丹挪已佔，北顧無憂，閃擊西歐，不動何待。所以聯軍挪威之敗，實英法荷比災禍臨頭之預兆。

### 第一節 荷比法之決戰

五月十日，希特勒躡策大軍，分爲三方面波克居右，李普居左，隆德斯特中，侵入低地之荷比盧三國。盧森堡未經絲毫抵抗即全部淪陷。進攻荷蘭之德軍分三路推進，同時以降落傘部隊佔領海牙(Hague)及鹿特丹(Rotterdam)。十一日，荷第一水防線



伊色爾線」爲德突破，荷軍退守格里比防線，翌晨「格里比綫」亦告不守，德軍直趨鹿特丹，將荷爲兩片。十四日荷軍投降，一部退至齊倫省(Zeeland)與該處聯軍合併以圖支持。至十八日比境德軍已進抵至昂特衛普(Antwerpen)，該處聯軍有被切斷之危，遂退入比境。荷全境陸沉。

比利時被侵後，集中於法比邊境之英法聯軍立即開入增援。但終未能抵禦德軍之突入。列日(Liège)防區最堅強之伊麥爾(Eden Emael)砲台首先陷落，隨之亞爾培運河大橋亦爲德軍所佔，大軍源源湧入。十四日列日與那慕爾(Namur)間告失守，聯軍退至不魯捨爾(Brussel)至昂特衛普之線。其時德軍主力正攻陷法境色當(Sedan)轉趨法北，比境戰事因稍沉寂。至十七日比境德軍重取攻勢，比京與昂特衛普相繼爲德所佔，英法軍續向西南撤退。各不相顧，更無挽救比利時之希望。

德軍由隆德斯特指揮，自十四日於總斯河畔之色當突破法軍拉考普防綫並擊潰法軍主力之後，卽以大軍由此缺口渡過該河，橫掃法北，經羅昂(Laor)，聖昆廷(St. Quentin)，沿索姆河(R. Somme)直下，連奪亞拉斯(Arras)，亞眠(Amiens)。二十一日一舉而至索姆河口之阿貝維爾(Abbeville)，將一百一十萬英法比聯軍包圍於比利時佛蘭德

斯之囊形陣地中。魏剛於五月十九日代甘末林爲帥，欲援救北方被圍部隊，奈以法軍無攻擊能力，英軍即守亦不能，終無效果。二十四日，比軍在佛蘭德斯背城一戰，又告失敗，英法聯軍不得不向唯一海口敦刻爾吉 (Dunkersce) 退却，比軍殘餘不及什一，進不能戰，退無後路。二十八日比王下令停戰。六月三日英軍於敦刻爾克完成撤退，德軍俘獲無算。

當法北聯軍被圍時，法軍大本營即沿索姆河及恩河匆促佈置魏剛陣綫。乃德軍不待英法從容佈置，即對魏剛陣綫開始猛烈攻擊。六月五日法北大戰開始，德軍沿索姆河及恩河 (R. Aisne) 向南推進，主力進攻集中於英法軍交界地帶。

當荷比既降以後，德軍會集中一百三十五個步兵師及十二個裝甲師，以及絕對優勢之空軍五千架以泰山壓頂之力，向法都巴黎進擊；其時法國僅有步兵九十五師，至於裝甲師與空軍幾已全部喪失巴黎上空全爲德空軍所控制。十日德軍距巴黎僅三十五哩。以鉗形由東西兩面夾擊，巴黎遂於十四日陷落。德軍一面轉趨海岸，一面包抄馬其諾全線後路。

巴黎陷落，哈佛爾 (Havre) 港同告不守，馬其諾防綫北端蒙特美第 (Montmed)

凡爾登 (Verdun) 亦均為德軍自西側翼攻入，德之主力更衝越里姆斯 (Reims)，分向第戎 (Dijon)。說蒙 (Châtillon) 培爾廟 (Belfort)，摩爾浩斯 (Mulhouse) 包抄馬其諾全綫後路，開始空前之大迂迴，於瑞士邊境合圍。馬其諾五十萬守軍不得不放下武器，造成歷史上最大一次之集體投降。此時殘餘法軍已無再厲之勇氣，而貝當政府登台，開始覓取屈辱之和平矣。

德法兩國，同樣各有堅固之防線，齊格非里馬其諾，但其作用，則完全相反，齊格非里主在掩護進攻，馬其諾則專為據以扼守。德國攻波藉特格非里作西綫長城，以節省轉用兵力進攻東綫；法國此時不知利用馬其諾作攻德據點，一味躲藏於二事之間，宣而不戰，及德進攻挪丹，仍然不取出擊，甚而至於德已進攻荷比仍然不知出擊，色當巴黎繼續陷落，百萬扼守之大軍，終不免投降德國，如此敗亡辱沒之結果，完全由於敗亡辱沒心理之所致。至於法國投降，其由於戰爭指導之失敗，尚不及心理上之弱點為多，因法自戰後持盈保泰，過於信賴馬其諾，以及比國要塞工事，而將色丹防禦過於空虛，（守兵一師）一旦比軍投降法人心理已極動搖；及德大軍由荷比攻入其側背，馬其諾之金城湯池盡失失效，所以軍民心理感受莫大打擊，以致中途乞降，同時英比等軍為德軍斷

，抗德之勇氣益餒。

至於英法之間，雖爲軍事同盟，但在政略上甚至作戰目的上，仍未一致：英法兩國各有其國防戰略上之弱點，且各不能相同，法國認爲切膚之痛爲歐陸霸權，英國則爲海上霸權，尤其國防生命綫，一在歐陸，一在地中海，而西歐之戰，法國陸軍在鞏固巴黎首都，英國則在保衛多維海峽，所以作戰指導，互相爭辯，尤以英法對於海軍運用，英則惟恐地中海意大利乘隙將全力用在地中海，西法國則思鞏固大西洋岸監視德國海軍，所以英法作戰方針，始終未能協同一致。

當巴黎緊急之際，意大利乘人之危，於六月十一日對英法宣戰。十四晚，邱吉爾飛鄉爾（Tours），倡議英法聯邦，企阻法降。無如此時法閣已充滿絕望情緒，十六日夜卒通過屈服案，於是雷諾辭職，貝當起而組閣。二十一日，貝當遣亨齊格（Hunkiger）率代表團，前往二十二年前德國簽署投降條件之康比臬森林，謁見希特勒，簽訂二十四條停戰協定。二十四日，法意停戰協定繼之成立。戴高樂將軍則早於事先，飛往倫敦，組織法蘭西民族委員會，領導自由法國繼續抗戰。八月，赤道非洲宣佈擁護。九月戴高樂藉英艦隊之護送襲擊達卡爾（Dakar）未成，十月貝當派魏剛赴摩洛哥鎮守。

## 第二節 西歐之空戰

自法敗降，英之陸軍主力業於敦刻爾克撤退之後裝備盡失，世人每以德第二步驟必為渡海攻英。果德如此，則以英當時準備之不足，未嘗不可取得迅速勝利。然以德無強大海軍及登陸艦艇；而英之海軍則固守英吉利海峽，以待決死作戰。德乃開始出動飛機四千架，對英倫作空前之轟炸，與隔海峽以長射程大砲射擊。

德空軍對英倫轟炸之目的，首在擄奪西歐海岸制空權，摧毀英國沿海根據地，使其海軍主力不易活動於英吉利海峽，並打擊其護航制度，使其補給困難，以便乘機登陸。故德空軍最初轟炸目標為軍港碼頭與重要飛行根據地；後以英國驅逐機之抵抗強烈，制空權未能獲得，乃對英內地之驅逐機場加以數量極優之猛烈空襲，仍遭英分散各地之驅逐機所反擊，乃又變更目標，轉對英重要工廠加以轟炸，並以空前大編隊白晝轟炸倫敦市區，倫敦大為震撼，終以英驅逐機之巧妙防護，以少敵衆，德機損失甚重，乃改爲夜間空襲，使英機不易攔擊，予倫敦以重大傷亡，但德機損失亦大增加，而對絕對掌握制空權掩護陸軍登陸英倫之目的終未達成，獨立空軍作戰終無決戰效果。五月以後空襲暫

停，赫斯 Rudolf Hess 飛英格拉斯哥 Glasgow 試和，未得結果。至此以後英國空軍受美援助，日益加強，遂開始清掃英吉利海峽，爭取海峽與法北之制空權，然後施行夜間空襲德境。及美參戰，英美空軍逐漸獲西歐上之優勢，對德政治軍事與工業及交通中心作日夜不斷之空襲，形成英美與德空軍於西歐上空之互襲。德俄戰起，德空軍轉用於東線，英美襲德益甚，尤其對德西部海口如基爾漢堡水上機場希爾特以及魯爾科隆等工業區轟炸最烈。以後德復利用無線電操縱之飛機以及火箭彈等轟炸英國，英美報以更強大之空軍日夜對德轟炸，及反攻歐洲堡壘地間，美國空軍更利用南俄基地對德實行東西穿梭轟炸夾擊德國腹部，以打擊德國工業與交通，德國軍事實力，大為削弱。尤以歐洲堡壘突破，東西盟國陸軍攻入德國本土，所謂核心堡壘之後，空軍工廠與基地，局促於一地，損傷更大，已不足抵抗強大之盟國空軍。於此亦可知今後空軍威力，雖仍更大有發展，而基礎仍在地上，即仍以陸軍為戰爭之主體也。

### 第三節 大西洋之海戰

一九三九年九月三日英德正式宣戰，當晚英國橫渡大西洋郵船「亞典尼亞」號於蘇

格蘭附近爲德潛艇擊沉，十八日英方大航空母艦之一「勇敢」號亦爲德擊沉，十月十四日英主力艦「皇家橡樹」號於軍港史卡巴灣內爲德潛艇擊沉，十一月廿六日英武裝郵船「拉華冰地」爲「德意志」號袖珍戰艦擊沉，十二月十三日德袖珍戰艦「史比上將」號於南美島拉圭之海面爲英三艘巡洋艦遭，以一戰三，後退烏拉圭海港，復受英法艦隊增援包圍，突破無望，遂自行毀滅，十六日德大郵船「哥倫布」號於大西洋西岸自沉。

一九四〇年二月十六日，芬戰將結束時，威爾基發動調停歐戰之當日，德輪「阿爾特馬克」號於挪威領海，爲英艦搜引起挪威之爭奪戰，四月七日英海軍於那維克貝爾根海面佈雷，九日德艦即掩護陸戰隊於挪海岸登陸，於是英法與德遂即爆發丹挪海峽之戰，十日那維克海面發生二次歐戰中海軍正規之序幕戰，十一日斯卡基爾拉克海峽之戰再起，整個挪威海面均有戰事，可稱此次歐戰中大規模之海軍會戰。英法艦隊二百餘艘，遙成一線，德艦百餘艘分爲三隊，經四日之劇戰，德海軍雖爲劣勢，但藉沿岸空軍之優勢，終獲勝利，德艦損失三十艘，英艦五十七艘，爲海戰史上所罕見，六月七日那維克海面英德作最後一度之海戰，英航艦「光榮」號沉沒，大西洋東岸之挪海與北海之控

制權終落於德手。

一九四〇年西歐大陸決戰，德又勝利，英國孤立本島，危險萬狀，九月三日英美成立協定，美以飛機軍艦與軍火援英，乃展開大西洋中護航之海戰，因英美海軍操絕對之優勢，德艦於遠洋中不敢作正規之會戰，乃僅以主力艦游擊與潛艇之奇襲，最初兩年德潛艇威力極大，美國軍火損失在百分之四十以上，一九四一年四月美置丹之格林蘭於其保護之下，擴大武裝巡邏於一切公海之上，月終更扣留德意船艦。

五月下旬當地中海爭奪劇戰之時，德「門艦」俾斯麥「號及巡洋艦」友金親王「號出貝爾根港經格林蘭與冰島間深入大西洋，二十四日與英戰鬥艦「胡特」號與「威爾士親王」號交戰，前者擊沉，後者擊傷，英強大無倫之本國艦隊乃分由直波羅陀與大西洋中集中搜尋，加拿大空軍氣艇於紐芬蘭基地出動，發覺「俾斯麥」號，於法海岸終擊沉之，「友金親王」號逃入法海岸布魯斯特 Brest，於次年二月十二日與德戰鬥艦「桑霍斯特」號 Scharnhorst 及格納森腦 Gneisenau 逃返德海岸基地。

一九四一年十二月十一日德意對美正式宣戰，德潛艇於大西洋上作廣遍之攻擊，主力集中於三大區域：北區格林蘭至冰島，中區英倫西岸外海及挪法海岸，南區由巴西至



二十八日意軍由阿爾巴尼亞攻希東部。希軍奮起抵抗，英海空軍助之，大敗意軍；十一月中旬戰場六分之五已深入阿境，同時英地中海艦隊又大敗義艦隊於大蘭多（Taranto），更有助於希軍之作戰；十二月初希軍又挺進阿境二百英里，向阿京推進。此兩勝利之結果遂造成英軍於北非反攻之有利態勢。

果也於十二月九日起埃及英軍開始向利比亞反攻，不旬日即將意軍逐出埃境，一九四一年一月更佔領利比亞公路要衝巴第亞（Bardia），十九日東非英軍亦發動反攻，克蘇丹（Svjan）境內之卡薩拉（Kassala），二月七日北非英軍又佔利比亞之班加西（Benghazi），北非之昔蘭尼加（Cyrenaica）全部，至此幾已悉落於英軍之手。此時墨索里尼，又以全力戰希，對於非洲，惟感心餘力拙而已。四月一日東非英軍攻佔厄里特里亞首都南斯馬拉（Asmara），阿比西尼亞首都亦在英軍圍攻之中，北非方面，意軍亦傷亡慘重。乃巴爾幹風雲忽緊，德陳兵向保與南斯拉夫邊境之軍隊多至六十萬，進攻南希危機明顯，迫英不得不再度分援希臘。

## 第一節 巴爾幹戰場

德以俄威脅巴爾幹日亟，乃停止渡海攻英。惟最初本不願即藉武力解決，以招德意國之內訌與蘇俄之戒心，意在發動外交攻勢，樹立東南歐新秩序，所以先後威誘匈羅加入德意日軸心同盟，並與墨索里尼主持維也納仲裁，脅迫羅馬尼亞割地於匈，造成政變，羅王出走，由親德之鐵衛團首領安多尼斯哥專權，更以德制壓騷動與保護油田爲名，德軍進駐羅國，企圖不折一兵而逐漸將巴爾幹置於控制之下。無奈意大利未能本德之和平控制巴爾幹政策而發動侵希戰爭，以求乘機掠奪土地。因此德亦亟亟爭取保加利亞與南斯拉夫，加入同盟，以爲不難進一步解決希臘，保本與德接近，因鑑於羅國覆轍，乃日與俄接近；而南國。又忽平地風波，發生政變，蘇俄更不無可疑之嫌，莫洛托夫聘德蘇俄對於德軍假途巴爾幹攻擊地中海，又未應允。外交攻勢失敗，此時如再不以武力解決南希，不獨影響未來作爲戰爭主題之攻俄，抑且影響兩大陣容之政治聲勢。同時意之侵希既敗，北非又潰，德如不加援手，英有首先佔據巴爾幹之可能，所以於四月六日，斷然分兵進攻南希，巴爾幹大戰復起。

德軍進攻南希，計分三路推進，一路由羅馬尼亞攻西北部，三日後即抵南境伯爾格來德 (Bergrade)；一路由保南沿斯特魯瑪河 (Struma)，攻希臘色雷斯 (Seres)，意在直抵愛琴海岸，截英希軍爲二；一路由保西部向南國之斯科普里 (Skoplie) 與希南交界之馬其頓挺進 (Macedonia)，目的在斷南國爲二，并隔絕希南兩軍聯絡。如是英希南軍不啻爲德一一隔絕，德軍自可集中兵力，各個予以擊破。

南國兵力本甚單薄，加以缺乏準備，臨時動員，在在措手不及，及至四月十八日南國主要交通線已盡爲德軍攻佔，抵抗力完全瓦解，南軍統帥，終於簽約投降。

至於希軍，主力原與意軍戰於阿爾巴尼亞，德軍由保南下，一時不易東移，以是位於愛琴海要隘薩龍尼加 (Salonika) 港於九日不守。同時馬其頓東部已入德軍掌握，色雷斯以東之英希軍又被圍於敵後。二十日英軍縮短陣線，將西北與東北兵力集中，於希臘中部佈置作戰。越二日又告不支，德軍已攻抵拉彌亞 (Lamia)，雅典 (Athens) 業告混亂，二十五日英軍撤出希臘，雅典德軍於二十七日進入。

當英軍於四月初馳援希臘之際，北飛英軍抽調一空，而德軍早於陳兵南希之前，已乘間偷渡地中海，由突尼斯轉達利比亞。敵當巴爾幹鏖戰之時，北非同告吃緊，英軍再

度退出其於春季佔領之若干據點，希臘英軍潰退時，德軍亦同時突破埃及邊境向內地挺進，廿九日佔索倫，此爲隆美爾部隊第一次於北非之出現，英軍猝不及防，慘遭失敗。五月十二日，德軍五路向埃及進攻時，地中海上干地亞島(Candia)英軍自顧不暇，不能分援埃及，北非英軍陷於極端不利。

英軍撤出希臘後，即圍扼守干地亞島及克來特島，以企保障北非與近東之安全，惜當時北非戰事，英軍連戰皆北，干地亞島孤立無援，五月二十日德以空軍陸軍隊襲擊克來特島并佔領機場，英軍苦戰經旬，六月七日終於宣告退出該島，至此，巴爾幹戰事告一結束。以英德爲主體之歐戰亦隨之終局。

於英德爲主體之西南歐地中海之戰事，實英國命運最危險之時，自法淪亡，德有兩次更大機緣，可導大不列顛羣島於陸沉，或斬斷大英帝國之生命線。即第一於一九四一年春季，德於丹挪荷比法有建立完成之進攻根據地，有較敦刻爾之役以後更爲強大之陸空軍，有優良之天氣條件容許強度之空中攻勢，有潛艇戰之輝煌戰果保證渡海之安全。德如以此時進攻英倫，可有較一九四〇年秋達爲較大效果。然而希特勒對英巨大之海軍與英勇之空軍顧忌太甚，終以轉鋒對俄而放棄進攻英倫之最好機緣，此爲二次歐戰中，

德國戰略原則上主要之失敗，即未澈底貫徹其攻英之目的也。

再以德軍進入巴爾幹，引起蘇聯極大之不安，遂駐重兵中歐與東歐之邊境，德之側背，均受威脅，對俄進攻，已至不能再緩；原擬擊倒英國，再移師攻俄之計劃不得不加改正，而企圖對英諒解，放棄西歐佔領地使英於德攻俄之際，保守中立，乃派赫斯於五月十日飛英。英曾將此計劃徵求美之意見爲美所拒，結果英美共同向俄提出德國對俄行動之警告，六月二十二日德即發動東歐之戰爭。當英軍於北非巴爾幹，地亞克來島失敗之時，德非不可能以大量陸空軍於此一地區進行地中海與中東戰爭、隆美爾之攻勢可越息隆利加而進行，從而通過尼羅河，或取道敘利亞以進攻近東，德亦可支持伊拉克親軸心之暴動，阻止英國之佔領敘利亞。再同時於西南歐加以壓力，則貝當政府與西班牙或已自動加入軸心，西地中海之盆地連同北非，或已在德軍控制之下，蘇彝士固難地浩劫，直布羅陀亦可導淪喪，果德如此，希特勒於一九四一年夏季，已爲地中海上海上之霸主，然而又終以俄國陳重兵於邊境集中於波蘭之羅夫(Łódź)與比亞里斯脫克(Białystok)，兩大突出根據地使德側背太受威脅，對東南歐地中海之作戰目的，被迫放棄，敘利亞戰事發生半月，德亦不能出兵增援，終而攻俄。推測當時希特勒之心理，或以攻蘇勝利

爲一切勝利之保障，此所以地中海上海烽煙未熄，東歐大戰繼起，而歐戰之主體亦由德英而易爲德俄；軸心主力雖以對俄，但於北非中東，仍不斷爭奪：

## 第二節 北非戰場

北非戰爭開始於一九四〇年秋季，義大利攻勢。一九四一年五月英於希臘失敗之際，德協同義軍再度侵入埃及，奪回班加西，回攻多不魯克（Tobruk）後以德全力攻俄，英軍於此又發動大規模之反攻，向利比亞推進，初期攻勢頗爲勝利，後以德義兩軍之迅速赴援，英軍攻勢乃爲一挫。及太平洋戰爭爆發，英軍又續對利比亞攻擊佔領班加西，至一九四二年六月，德於對俄發動夏季攻勢之同時，再發動北非之攻勢戰，隆美爾親率訓練逼真裝備適當「溫室師團」一舉陷多不魯克，并乘勝直迫亞歷山大，當時埃及形勢，至爲嚴重，中東幾陷於軸心之手，然以美軍十一月聯合英軍增援，造成北非之轉守爲攻。當十月下旬，埃及戰場蒙多馬利所部英第八軍即對艾爾阿拉敏（El Alamin），「隆美爾陣綫」發動總反攻，十一月五日，英軍突破艾爾阿拉敏軸心軍陣地至初旬局勢急轉直下，一方面，英軍對軸心軍隊加強壓力，直迫至利比亞邊境，同時調集大批英艦

集中於直布羅陀，隨之美軍於法屬西北非遂作大規模之登陸。因而一般所認作爲開闢第二戰場序幕戰之北非戰爭，遂從此揭開。

當美軍於摩洛哥與阿爾及爾 (Algeria) 登陸，兵不自力完成兩地之佔領，埃及英軍亦攻入利比亞，越班加西向南追擊。及英軍向阿爾阿吉拉 (El Agheia) 推進，美軍亦入突尼西亞，向突尼斯 (Tunis) 與比塞大 (Bizerte) 進迫。十一月十四日隆美爾殘部由阿爾阿吉拉撤退。英軍進入的黎波里 (Tripoli) 唐尼亞區 (Tripolitania) 艾森豪威爾指揮下之美軍亦協同英第一軍與法軍，自多方面進入突尼西亞，迫使軸心軍退至的黎波里比塞大與突尼斯，雖以盟軍之壓倒優勢作鉗形包圍，而軸心亦集中大批空軍掩護海陸軍於西西里——比塞大——的黎波里之三角形地帶，作背水之戰，軸心勢力驅出北非，尙非一蹴可就。加之盟軍指揮統一問題，及戴高樂與維德岡之不協調，亦均在在影響盟軍之進展。

一九四三年一月維邱卡港會議，英美進一步合作北非盟軍指揮問題已有決定，而戴高樂亦有協商，所以英美當時確已商定迅速解決突尼西亞之戰爭。不料二月中突尼西亞中路美軍之進攻頓挫，而英美與俄不幸政治之事件，又連續發生於俄波問題與南斯拉

夫問題，於是突尼西亞戰爭未得展開。

迨三月下旬，英第八軍始向馬雷斯防綫發動進攻，於月底佔領加倍斯（Gades）與艾爾哈瑪（El Hamma），但中路美軍未能迅速突趨海岸，切斷馬雷斯軸心部隊之退路，配合第八軍，一舉將南路軸心軍加以圍殲，使軸心部隊之大部兵員與物資均能完全撤退。迨四月七日，英第八軍與美第二軍完成會師。十日佔領斯法克斯。十二日佔領蘇斯（Sidi Suez）。二十一日更佔領安非達維亞，均未遇軸心軍堅強之抵抗，此時軸心軍方竭力進行東歐之決戰，對於北非惟有縮小地區保全實力，作持久防禦，以圖保持其北非之根據地。乃以英美聯軍戰略之出奇，即於決定戰鬥展開前，美第二軍忽出現於英第一軍之左翼，使第一軍之防線縮短，攻擊能力加強，大出軸心軍意料之外，於是在盟軍奮力一擊之下，突尼斯與比塞大同於五月七日被盟軍攻佔。北非軸心軍遂於十二日全數肅清。兩年零八月之北非戰果，終落於同盟軍之手。

由於盟軍北非之迅速勝利，國際形勢亦突趨明朗，前於此，支配整個國際形勢之發展者為俄波關係，由極度緊張至斷絕邦交，隨北非戰事之結束，遂打開此一政治上之僵局。斯大林於五一勞動節文告中，首先揭穿希特勒挑撥離間之陰謀，呼號英美盟軍與紅



軍合作，自東西夾擊德國。繼之邱吉爾赴美，五月十一日與羅斯福舉行羅邱第五次會談。隨之美總統又遣載維斯赴俄，藉謀加強團結。二十二日俄宣佈解散共產國際更促進英美俄之進一步合作。

## 第四章 東歐之決戰

東歐戰爭本為勢所必至，當捷克被侵之際，英法之所以噤若寒蟬，悉置條約義務於不顧者，無非促使德俄衝突導引歐戰爆發於東歐，蘇俄當時深知德重視英法而輕視蘇俄，對西歐國家終必出於一戰，亦深知德必避免兩線作戰之原則，與俄有接近可能，致有德俄互不侵犯條約之締結，使東歐之戰禍又轉手移於英法西歐諸國。

雖德俄已暫時修好，但其基本矛盾并未泯除，相互間之猜忌亦依然存在，甚至此種暗流更隨德俄之領土擴張，發生更直接之衝突；及德於西歐迅速勝利，以及蘇俄戰爭準備逐漸完成，兩國衝突愈益尖銳。德懼俄於東線之牽制，不斷對俄採取戰略包圍，所以德波之戰一起，俄即以最大努力佈置其自芬蘭灣起經波羅的海東岸以迄多腦河口之防禦地帶，并以外交聲援支持巴爾幹諸國，企圖阻止或緩和德之兇焰。兩國關係於一九四〇年羅馬尼亞問題發生以後，已非常惡化，希特勒於宣戰書中公開承認，早於一九四〇年八月即決定對俄作戰。韋洛托夫十一月中之訪德與一九四一年一月德俄三項協定，又無

非以最愉快之外交措辭以掩飾其最不愉快之事實。誠以帝俄自大彼得凱塞林以來，一貫國策爲在黑海克里米亞並達且尼爾海峽樹立霸權，以控制巴爾幹，蘇俄成立，國力發展，又極迅速，巴爾幹之霸權，自非任德攫奪而甘心。此後於保加利亞問題，南斯拉夫問題，土耳其問題，無不表現德俄衝突之無法解決，德俄戰爭之不可避免。

且以國際時局之變化，更迫使希特勒不得不急以武力攻俄。其一爲英俄關係之好轉，一九四一年四月英外相接見俄大使，會商調整英俄關係問題，談判結果，雖未一舉而置兩國外交於基礎之上，但已打開此後接近之途；六月七日，英俄成立協定，更不啻已有相互之諒解。其二爲美國之走向戰爭與美俄外交之復活。一九四〇年夏季美加聯防，七月軍艦與根據地租借之協定。美已步入戰圈，並奠英美軍事合作之初基。一九四一年一月美正式發表撤消對蘇道義禁運，又爲美俄關係之一大轉變；三月羅斯福對租借法案之簽署，更明白表示美已開始實際行動，爲民主國家戰爭奮鬥。五月十四日美國務卿赫爾開戰來第一次之召見俄大使，愈顯示美俄態度之接近。此種英美俄關係之交融，在希特勒視之，均爲對德不祥之朕兆。甚至美國供應英俄之可能性，卽已使希特勒不能容耐，但欲進求與英決戰，既有海峽之阻，復有俄同其側；若轉鋒指俄，迅予擊破，則

英美於時間上尙不及編成大軍，攻登歐陸。不僅如此，希特勒尙懷有一種政略之幻想，卽希冀轉移英美對德之目標誘引重彈共同反俄之舊調，此卽赫斯使英之目的。但以現時真正足以脅威英美者非俄而爲德，所以反造民主國家之一大聯合，加速英美俄之同盟。

於一九四一年六月廿二日拂曉，德沿波羅的海黑以迄黑海全綫之俄新邊界攻俄表現於國際戰局政局者，一面爲納粹附庸之搖旗吶喊，羅馬尼亞及芬蘭相繼以索還土地爲口實，協德對俄開始軍事行動，意亦通知俄大使，認爲自廿二日上午起，與俄入於戰爭狀態；一面則爲以英俄合作爲起點國際反侵略線之迅速結成，邱吉爾於德對俄宣戰之當晚，發表廣播演說，首先肯切闡明俄之危機亦卽英美之危機，粉碎納粹各個擊破之陰謀，并保證盡力對俄援助，派遣軍事經濟代表團赴俄，五月十二日英俄成立對德作戰一致行動之協定，決不單獨媾和；繼之美俄談話於兩國首都同時進行，八月一日美俄簽署換文，美聲明擴大援引租借法案，同時由羅邱大西洋會議發展爲英美俄三國莫斯科會議，決定英美以最大之努力，迫切需要之物資供應蘇俄。二次歐戰至此階段，不僅於範圍上突趨廣大，如作戰線地區特別擴大，兵器武器之挹注衆多，戰鬥之強烈與延續，均有劇烈之轉變，卽自經濟政治與社會制度上言，亦完全爲各種不同關係的錯綜之戰局。因此東

歐戰場之新發展，遂使德俄戰爭成爲二次歐戰最主要之決戰戰場即以美國於五個半月後，以日本掀起太平洋戰爭，全世界戰爭之重心猶在東歐。此時歐陸多數國家，均爲德所佔有，非僅英有切膚之痛，美亦感極大威脅，俄於獲此危急震感之秋更身受莫大之損失。德俄戰爭之經過，自一九四一年六月二十二日德軍之全面閃擊，以迄一九四四年六月六日西歐第二戰場開闢之日止，約爲三週年。此三年中東綫戰場之決鬥，可分爲五期敘述之。

### 第一節 德之首次攻勢

德俄戰爭之第一期，開始於德軍奇襲俄空軍根據地，止於十一月德挾近二百師之兵力向俄全線發動本年最大一次之猛攻。戰爭開始，以勃魯齊區爲參謀總長，德軍分由東普，瓦沙，盧布林(Julin)及羅馬尼亞與芬蘭。發動攻勢。一九三九年九月以後俄國所得之新領土，北路由李普統帥沿波羅的海與拉多加湖協同芬軍指向列賓格勒，南路由隆德斯特統帥協同羅、匈、及斯洛伐克軍分經羅夫及勃魯特河(R. Prut)攻向烏克蘭，以基輔(Kiev)敖德薩(Odessa)與羅斯多夫(Rostov)爲目標，中路爲德軍主力所在，

由波克統帥經布特斯基多夫斯克進攻明斯克 (Minsk)，以莫斯科爲目標。俄亦區分三路抵抗，西北路伏洛希羅夫，中路提摩盛科 (Timoshenko)，南路布將尼 (Budyenny)，但最初德軍既得先制，所以大佔優勢，進展極速，俄各戰場既不聯繫，各兵種又不能適當配合，故兩週之內，德即攻佔西烏克蘭，西白俄羅斯之大半及立陶宛，拉脫維亞。七月中旬，德軍已向俄本土推進，北路德軍抵北斯科夫 (Pskov)，並自拉多加湖北部地帶東進，企圖包抄列甯格勒；南路攻至烏克蘭之什托密爾 (Zhitomir)，中路則進至斯摩稜斯克 (Smolensk) 附近。

俄軍曾於七月底發動全綫總反攻，於斯摩稜斯克 (Smolensk)，烏克蘭各綫阻止德軍之攻勢，時英美已在加緊援俄中，德軍遂於八月初發動第二次攻勢，中路沿斯摩稜斯克之綫，向西進窺莫斯科，突破俄本土之斯大林防綫，俄軍堅強抵抗，德原採中央突破方式直撲俄京，終未得逞；乃中道變計，發動南路與北路之極大鉗形攻勢，南路方面分頭向基輔及黑海沿岸猛攻，此綫俄軍未能阻德進展，退哥伯河 (R. Dnieper) 東岸，基輔因之於九月陷落；北路方面，德芬聯軍三路進攻，在卡累利阿土腰，塔林 (Tallinn) 至列城一綫，及伊爾曼 (Imen) 湖以北諾佛哥羅 (Novgorod) 方面激戰。雖德軍完成

列甯格勒之四面包圍而迄未攻下。德遂又決定拓張南路戰果，十月十一日倫德斯特進行克里米亞（Crimea），亞速海（S. of Azov）沿岸與東烏克蘭之戰役，頓內次（Danetz）盆地中心之斯他林諾（Stalino），與俄第二最要交通中心之卡爾科夫（Khar'kov）相繼陷落，德軍一鼓作氣，向南佔領克里米亞，向東佔領高加索門戶頓河重鎮之羅斯多夫，同時中路方面，分由西南北向韋斯科推進，十一月中旬已深入至莫斯科之近郊而逐漸逼圍，二十四日莫斯科東北之克林（Klin）爲德所奪，南面圖拉（Tula）亦落德手，莫斯科本身已陷於西南北三面包圍之險狀下，在此三個月中，俄軍官報自承損失飛機五千三百架，戰車七千輛，大口徑火炮八千九百尊。但此時德之兵力消耗亦多，補充不如俄易，故已無壓倒優勢，以突破俄京，同時俄境氣候已轉祁寒，加之德軍交通綫延長，後方不能及時增援與補充，而俄軍雖以西南工業區陷於德手，但英美援俄物資，不絕於途，分由海參威伊朗及俄北部摩爾曼斯克（Murman'sk）與阿得基爾入境，以裝備其卓絕於世之後備大軍，故其生力軍不斷增加，於是代之而起者爲俄第一次之冬季反攻。

## 第二節 俄第一冬季反攻

德俄戰爭之第二期自一九四一年十一月下旬止於翌年三月下旬，最先俄發動反攻地帶爲南路，最重要者爲十二月二日南部重鎮羅斯多夫之收復，翌日又克復坦根羅格（Targanov）此後紅軍遂在頓內地盆地之南部向前推進。指揮此次反攻者爲提摩盛科將軍，原本鎮守中路，迨基輔之役以後，俄軍南綫有動搖危機，俄統帥部乃改派支持南路。當時俄軍於攻克羅斯多夫之後，稍事準備即在一千五百英里之漫長戰綫分中南北三路發動全面反攻，莫斯科爭奪戰直接延續之中路俄軍，先後克復克林，圖拉及加里甯（Kalinin）伏羅哥拉姆斯克（Volokolamsk），卡魯加（Kaluga），使莫斯科轉危爲安，紅軍并開始楔形突入德軍陣綫；於北路，隨提克溫（Tikhvin）、伏爾科夫（Volkhov）之收復，阻止德芬軍之會合與列甯格勒之重深包圍，一月下半月之對瓦爾台（Valdai）攻勢與鐵道交叉點第諾（Dno）之佔領，實際已將列甯格勒戰綫解圍；南路方面則分於克里克亞之刻赤（Kerch）登陸與突破卡爾科夫南之洛索瓦雅（Lozuvaya）鐵道據點，此一交通綫之控制，使卡爾科夫與頓內次克里米亞，南烏克蘭等地德軍之聯絡爲之截斷。

一九四二年三月俄軍再發動大規模之反攻，南路收復卡爾科夫南若干重要地區，中路加里甯一帶亦突破德軍堅守防綫，北路斯塔拉雅羅沙（Staraya Russa）區域，更包圍德



第十六軍團，除列甯格勒圍城地帶之外，德已喪失列城以東之地區，故自此時起，北路與中路之戰線，除塞夫(Rzhnev)——維亞茲瑪(Vязma)兩缺口外，約在伊爾門湖至布利揚斯克(Bryansk)之間。總俄第一冬季反攻之結果，據俄方公佈於若干地方將德軍向西逐退四百公里，是其於戰爭過程中不無重大意義，但苟就全部成績言，絕不足以比美第二冬季之反攻，即領土與戰略據點之收復頗有旋得旋失者。此一方面由於德軍當時雖無繼續攻擊之力，而其防禦力量仍極堅強；另一方面紅軍本身經過半年餘之艱苦鬥爭，亦急須喘息，故此役除解莫斯科之圍并作休養整備外，殊無更大之成就。

### 第三節 德第一次之攻勢

德俄戰爭之第三期為一九四二年德軍之夏季攻勢，德以補充完成，天氣已暖，故於是年春季，又復活躍。希特勒四月演說有云「去年冬季阻遏德軍之紅軍，將於今夏自每個方向遭受攻擊」，并狂言將使俄軍「遠離歐洲明定之疆界」。因此拚全力於此一役，所有可用之部隊均為此役而集中，不過攻擊主力均集中於南路一線，約一百六十師，期於頓河(R. Don)及高加索迅速殲滅俄軍主力，然後攻佔斯大林格勒，溯伏爾加河(R.

Volga)北上，經沙洛托夫(Saratov)至古比雪夫(Kuibyshev)，迂迴莫斯科，截斷與烏拉爾以東之聯繫，從而配合中路進擊俄京；一面南下囊佔高加索，攻佔巴庫(Baku)，奪取油料。所以此次進攻乃追求雙重之目的，而其主攻契機乃在突破斯大林格勒。

於夏季攻勢之前，五月初德軍即開始進攻克里米亞之刻赤半島，六月初旬德羅聯軍又企圖進佔塞把斯托波爾(Sevastopol)港，適此時北非利比亞軸心軍亦發動攻勢，長驅艾爾阿拉敏，故當時一般人估計德軍作戰計劃，為以中東為最後目的之鉗形攻勢，其實德之目的在鞏固後方，所以有此夏季攻勢之揭幕。果七月一日德軍結束克恩米亞之役以後，即沿庫爾斯克(Kursk)——卡爾科夫一線東向展開，當時德軍南綫部署分為三路以中路為主攻計八十師，指向斯大林格勒，東南方面五十師圍攻巴庫，北路約三十師，多半為意、匈軍進攻佛羅內茲(Voronezh)。

七月初德軍開始總攻後，俄統帥部即判斷德軍主攻方向必在斯城，因將重兵置於佛羅內茲(Voronezh)至斯城一線，並擢用年輕將領朱可夫 Chukoff 為統帥死守斯城，故德軍正翼時受威脅，軸心軍攻佔佛羅內茲後，已未能再向前進。其南路攻向高加索者則進展甚速，七月二十四日攻佔羅斯多夫，八月初復佔克魯泡特金(Kropotkin)，分兵攻

佔黑海岸之諾佛羅西斯克(Novorossisk)，俄軍死守土普斯(Tuapse)港，德鋒始被阻遏。九月底高加索德軍卒進佔摩茲多克(Mozdok)，主力指向格羅茲內(Grozny)油田；中路德軍進展更速，自八月二十四日大舉渡過頓河之初，即開始攻擊斯太林格勒。總自七月初旬至八月下旬，俄軍先後喪失佛羅內茲、庫爾斯克、佛羅希洛夫格勒，頓內次，北高加索全區及斯城區大部，故處境極為危殆，斯太林七月二十四日頒佈命令：「所有將士必須死戰，不許退却，否則即當殲國」。寥寥數語，不難窺見當時前線戰事之艱苦。

自九月初旬至十月下旬，德俄兩軍於斯城展開白刃之爭奪戰，是時斯城俄方之主要防線已縮為沿斯城周圍長僅六十五哩之線，德空軍終日輪流轟炸斯城，但以斯城陣地背臨頓河俄軍抵死保護，德軍無法合圍，乃採取蠶食戰法，逐次消滅俄軍，致陷於長期巷戰，俄軍對於一屋一垣，均作堅強抵抗，實可稱為寸土必爭之戰；同時朱可夫常能集中兵力，實行反攻，德俄兩方互有進展，但以德軍攻擊之猛烈，十月終，斯城二十六區已有二十四區墜入德人之手，所餘者僅斯城西北一隅及「赤色十月」工廠之一角。斯太林於十月六日對美記者聲明，急盼同盟國及時開闢第二戰場，弦外之音，對英美顯示不滿。十一月初德對斯城雖肆其最後一擊，但終未能全部攻佔，此時德軍再竭三養，已成強

弩之末，且秋季已過，夏季攻勢，再不能延長，加之英美盟軍進攻北非之企圖已明，德受義要求部不得不自東線抽調陸軍五十萬，空軍二十隊，開往法境，準備瀕付地中海之需要，於是代之而起者，乃爲蘇俄第二冬季之反攻。

#### 第四節 俄第二冬季反攻

德俄戰爭第四期起於一九四二年十一月中旬止於翌年三月底。十一月十九日，俄軍增援主力已集中斯城頓河對岸反攻，城內部隊亦即出擊，首由斯城近郊發動局部反攻，逐步發展，蔚爲全線之冬季總攻。自時間發展之順序言之，先爲斯太林格勒區之反包圍殲滅戰，此一戰役猶未結束，北路展開列甯格勒解圍之戰，南路展開北高加索反攻之役；斯城戰役尾聲時，又有頓河與佛羅內茲之役，而最後則以中路反攻爲全經過之總結。以戰果言，四月餘偉大反攻之結果，俄軍共向前推進六——七百公里，收復失地達四十五萬方公里，南路方面，首先將伏爾加河與頓河間草原上廿二師計三十三萬之德軍，於一月八日俄軍對之所作反包圍已經合圍德軍拒絕投降，十日俄軍乃開始殲滅此區德軍，卅一日德軍瓦解，共俘德軍總司令鮑魯斯以下九萬餘人；佛羅內茲區之軸心軍自一月

下旬被俄軍突破後，北面匈軍九師及南面德意軍各四師陷於包圍，結果大部被殲，同時北高加索方面，俄軍亦早沿黑海及高加索山脈發動反攻，先後克復摩茲多克，那爾契克(Nalchik)阿馬雅爾(Armavir)最後俄軍計劃沿頓河迅佔羅斯多夫，將北高加索之德軍與北面德軍完全切斷；時佛羅內茲之俄軍又分兵經頓內次南下，企圖包圍羅城方面之德軍，德軍二月十四日乃放棄羅城向塔根羅格(Taganrog)撤退，而以奧勒爾(Orel)經庫爾斯克卡爾科夫至塔根羅格一線爲冬季之最後防線。不料二月初此防線亦爲俄突破，庫爾斯克先被佔領，卡爾科夫遂亦於二月十六日爲俄收復，至此，俄之南路反攻已達最高峯。

回顧一九四二年五月德夏季攻勢開始，德軍於南路會進行克里米亞，佛羅內茲，頓河—至伏爾加河，與高加索四大戰役；但由俄軍冬季之勝利反攻，德軍佛羅內茲與頓河—伏爾加兩大戰役之戰果，完全喪失高加索戰役之戰果，僅餘固班河(R. Kuban)流域之一角，碩果僅存者唯有克里米亞之役而已。反之，俄軍除上述失地之收復外，中路，先後克復第一冬季反攻未能收復之缺口塞夫及維亞茲瑪，已鞏固莫斯科之外圍，形成對斯摩稜斯克反攻之跳板；北路方面，克大了城及希魯塞爾堡(Schlussemburg)，四面被圍十六月之列城終於圍解一面。

德於此時雖遭不利，到處敗北，但並未完全喪失其反攻之實力，尤其於南路自卡爾科夫失守後，頓內次盆地一帶之二十萬德軍顯在危險態勢之下，於是三月初，德軍於頓內次中流比爾哥羅得——卡爾科夫——楚古耶夫（Chuguev），集結二十五師以上兵力，向卡爾科夫發動反攻，於三月十六日重復佔領。沉寂數月於七月五日德軍三十師，約五十萬人戰車三四千輛於奧勒爾，庫爾次克，彼得哥羅德百餘公里之戰線發動猛烈進攻；德方更以大量空軍爭奪作戰地區上之制空權；德軍攻勢進展，足以威脅庫爾次克都城，俄軍更不斷反攻強烈抵抗使德軍攻勢日漸衰削；尤以俄之空軍，不僅與德爭奪前方制空權，並能不斷襲擊德軍後部隊與作聯線。就德俄戰爭根本態勢上言，俄軍顯已由過去消極之防禦一變而為積極之攻勢，德軍則攻勢大挫採取守勢逐漸消失其整個作戰之目的，遂有紅軍第三冬季反攻之出現。

## 第五節 俄第三冬季反攻

德俄戰爭之第五期，起於一九四三年十一月迄一九四四年四月，當紅軍第三冬季反攻之前，一九四三年春夏之交，雙方均在調兵遣將，準備進攻。七月初德軍首先發動對

奧勒爾與庫爾斯克之攻擊，打破二月以來之沉寂，但此時俄軍已非昔比，武器與人員已得大量補充，士氣尤壯，可謂愈戰愈強，爭取主動，予德以全力之反擊。此時德軍所成強努力之末對於蘇俄巨大無倫之後備軍與反攻為勝之士氣再加本身遭遇運輸補充之困難地形天候之不利尤其士氣與指揮之已達極限不僅不能更求進展亦且不能俄軍遂於夏秋之間，先後重克卡爾科夫并進佔斯摩援斯克之後，即全線展開攻勢，橫渡聶伯河。十一月一日收復克里米亞門戶之敘累科普，同時聶伯河曲方面，又克鎖鑰之第聶伯維比得羅夫斯克城，轉向克利伏伊羅格(Климово-Рог)之進攻，完成三面包圍聶伯河德軍之態勢，而其最主要者則為基輔之收復，割斷德軍中路與南路之聯絡，打開紅軍進入波蘭與羅馬尼亞之要衝。

一九四四春，俄軍展開攻勢，最初，發動烏克蘭第一線之反攻，踏入舊國境外之薩爾尼(Сарны)，同時中路俄軍於白俄羅斯包圍威得比斯克，而北路俄軍則自一月中旬起於列甯格勒區發動大攻勢，結果不僅全陷列城之圍，且於拉多加湖，伊爾曼湖及培普河間之三角地區殲滅軸心軍近三十萬之衆。并一面向拉，愛推進，二月一日，俄軍越過愛沙尼亞邊境。其後，俄軍又在南跑展開攻勢，自二月中旬起，烏克蘭四個戰線俄軍自多方

而作連續性之進攻，第一烏克蘭俄軍乃突破舊境，第二烏克蘭俄軍又向河迪圍攻，同時第三第四烏克蘭戰線又爆發激戰，致使德軍主力，已不能兼顧聶伯河與聶斯德河間數十萬大軍之危機，即迅速退入波蘭舊界，於是俄軍遂形成對整個德南路軍之包圍殲滅，而北路更肅清芬蘭灣以迄那伐河（P. Neva）口之殘敵。

迨三月上旬，俄軍又展開全面之反攻，三路進擊後，德軍乃沿四百哩之前線後撤，北起戴維堡，南迄黑海港口尼古拉耶夫，(Nikolaev) 惟戰線雖極廣闊，重心仍在南路，俄軍為澈底舉行對克里米亞暨烏克蘭德軍之殲滅，故急道科尼棄去所部深入羅馬尼亞，以斷其歸路，一面乘勝由聶伯河而布格河而聶斯德河之逐步西進，三月十五日渡過布格河，十九日又渡過聶斯德河。四月十日，德軍於烏克蘭最後一大據點之敖德薩又為俄收復，最南一路俄更乘勝進展至喀爾巴阡山麓之捷克邊境。

綜俄第三冬季反攻之戰果，以南路收穫最大，除進抵喀爾巴阡山隘一路外，其在羅境者迫近雅西(Sibiu)，在俄境之克里米亞，亦完全解放。當時與南路相形之下稍見冷落者為沿波羅的海沿線之戰，以俄芬構和已在醞釀中，北戰場乃以外交代替軍事。至於波蘭境內之戰，亦由於存在於俄波雙方間之政治問題尚在懸而未決之中，致影響於攻勢之



進展。惟無論如何，此一大反攻之成就，實已打開由東歐進攻歐洲堡壘之門戶，德於東線南北兩大棋衛之芬蘭與羅馬尼亞，均已呈動搖之象，後雖希特勒悍然進兵佔領匈牙利，企圖控制羅馬尼亞，但匈、羅人民心理之動搖，益使希氏有禍起蕭牆之憂，縱無第二戰場之牽制，亦難禦俄軍之侵入矣。姑無論數月來德於東線，主觀上是否為有計劃之退却，然於退却過程中，未能阻止所受俄軍圍殲之打擊，實不能不認為德於東歐之防禦，已為俄所擊敗。

三年來東歐之決戰，如以俄軍對德抗戰之成就言，誠不可謂不大，尤其因第二戰場之遲不開闢，使希特勒得以全力攻俄，經常使用於東歐戰場之兵力，佔其總兵力三分之一，因而加增俄軍過大之負擔，但俄卒傾其全力，將納粹常勝軍驅逐出境，并嚴重消耗其實力，使英美能以準備充裕，從容開闢第二戰場，此不容否認，俄於東線已善盡其應盡之責任；在另一方面，此種功績，亦應加入美國租借物資所給予蘇俄之助力，合成俄三大冬季反攻之燦爛戰果。

## 第五章 歐洲堡壘之陷落

歐洲堡壘者，乃德於攻俄受挫以後，對於迅速勝利，已覺絕望，乃思控制全部歐洲佔領地，作一整個防禦體系，準備長期掙扎之措施也。在大西洋方面：北起挪威，南迄西班牙，號稱大西洋長城；在地中海方面自西班牙法義以迄希土，包括整個之南歐；在東歐方面，自波羅的海芬蘭經俄西部失地以迄巴爾幹黑海岸，成立三大防禦系統，合成歐洲堡壘之外圍陣地；而以德國齊格非里防線，延伸四境，爲歐洲堡壘之核心陣地；即北由德丹國境北海岸至基爾運河，西由德與荷比盧法至瑞士之邊境，南由捷克以至奧匈等國，東自波蘭西部以迄東普魯士，全長在二千哩以上，並有長大之縱深，構築永久工事。此一巨大之核心陣地，洵可稱爲現代堅強之堡壘。至於外圍陣地，除大西洋岸，由荷比至法新建之陶特 Dote 式海岸要塞防禦工事，亦甚堅強；其他如南歐地中海岸以及東歐俄國失地，僅可謂前線，雖有臨時工事，尙不足以稱現代堡壘也。此等工事軟弱之地區，尤其東歐，則爲德國機械化部隊主力所在，作機動防禦，以補堡壘防護力之

不足。但一向爲閃擊而訓練之官兵，配合之武器裝備，一旦改爲防禦，無論於精神上及技術上終不免失利耳。

### 第一節 意大利之登陸

自一九四三年五月盟軍於北非勝利，軸心對地中海之威脅全告解除以後，蘇俄對第二戰場之遲不開闢，嘖有煩言，英美則認南歐爲軸心柔軟之腹部，且西西里海峽之班泰雷利亞島（Pantelania I.）與拉姆塔薩島（Lampedusa I.）已於六月中相繼佔有，遂決心進攻意大利，以先解決軸心最弱之一環，對俄之東線反攻，亦未嘗不可收指臂之效。

七月十日，盟軍動用船艦三千二百五十艘，裝載英美加大量陸軍及海空軍陸戰隊於西西里島東南部登陸，迅速突破海岸防禦，卽向內地挺進，意德軸心軍力約在三十萬，聯合抵抗，未能阻止盟軍之進展，二十三日，西島首府陷落，意之大門已近在望，二十五日墨索里尼政權推翻，巴多格里奧出任首相，首先爲消滅法西斯黨。此時意雖仍在作戰，但已隱示巴氏政府之接近民主之反侵略陣線。

果自西島軸心軍被肅清後，九月三日英加軍於意南勒佐（Pesce）區登陸，艾森豪威爾即於八日宣佈已與意簽訂停戰協訂，意大利無條件投降。巴多格里奧政府投降後，凱塞林指揮下之德軍，迅由布累納山隘傾注入義，進駐羅馬，予薩勒諾登陸盟軍以重大打擊，並阻止義南盟軍之進展。復以傘兵偷襲格朗薩索救出墨索里尼，並於威尼斯再建局部法西政權。但歐洲堡壘，至此已陷一角，此一勝利，就政治言，意之參加民主陣線，正說明法西獨裁制度在義如此深根蒂固，亦不難一舉手而推翻；在軍事上言，意為歐洲堡壘之一部，意南之登陸，又證明「德內線不可侵之理論」，已不攻自破，並開攻歐第二戰場之先河。

## 第二節 第二戰場之開闢

歐洲堡壘在大西洋岸者，北起挪威，南迄法國西班牙邊境之比利牛斯山脈，長約二千哩之海岸防禦，德稱之為大西洋長城。賴交通便利，公路鐵道機場縱橫交錯，以組成流動性之防禦，由隆德斯特統一指揮，計第一線有步兵三十——四十師，裝甲師三個，飛機數百架，第二綫有步兵五十——五十五個師，為德主力所在，實為空前之最大防線。

。故進攻歐洲堡壘，除俄軍於東綫第一戰場外，尚須開闢於西歐之第二戰場。

蓋西歐戰場距聯合國前進基地之英倫三島為最近，亦為進攻柏林最短與最直接之路線，有迫使德軍進行決戰之利；且其間交通便利，多為平原，為現代摩托化部隊活動最理想之地形。次之，就空軍作戰言，由英倫南部起飛之戰鬥機，可隨時突入德境轟炸，密切掩護登陸軍隊，掌握海峽制空權，以強大之陸海空軍一旦登陸，則不僅迫使德軍從事兩面之作戰，且陷其於東西南歐三面之包圍。所以兩年來經盟國領袖苦心籌劃之第二戰場，終於盟軍攻佔羅馬之翌晨——一九四四年六月六日，於法北海岸揭開序幕。

一、英美諾曼第登陸：一九四四年春夏之間，盟機不斷對歐陸沿海實施大規模之轟炸，已啓大舉登陸之前奏，六月六日於盟軍攻歐統帥艾森豪威爾將軍統率之強大陸海空軍，分由陸軍總司令蒙哥利馬，布萊德萊；海軍總司令藍姆森；空軍總司令李馬羅里指揮參加作戰，陸軍總計，不下六十萬人；海軍總數則在百萬以上，船艦四千隻，小艇數千艘；空軍第一線飛機云達一萬一千架之多。

盟方進攻行動係首由大隊傘兵及空軍部隊於五日午夜降落於塞納河口之德後方陣綫，繼之英機夜襲登陸之沙灘，數小時內於法北目標區投彈一萬一千噸。然後六百餘艘軍

艦之大砲齊鳴，四吋至十六吋之海軍巨砲六百四十門以上，猛轟海灘及敵方要塞，自哈佛（Havre）以迄瑟堡（Cherbourg），全部海岸，皆為登陸範圍。盟軍首先登陸地點為維爾河與塞納河間之三角洲，於戰鬥艦掩護下，以登陸艇登陸，更可稱為有史以來最大規模之登陸作戰。登陸盟軍在敵不斷抵抗之下，向沿岸推進，盟軍堅守瑟堡及塞納間法西北海岸六十哩之袋形陣地，並向內地推進。首先佔領諾曼第內陸五哩處之貝葉（Bayeux），并切斷貝葉與克恩（Caen）間之公路。至此戰事之第一階段，即建立立足地與擊敗進攻區內之德方海岸防禦部隊已圓滿完成。

二、俄軍東綫響應：東線俄軍早於第三冬季反攻沉寂之後，即已佈置大軍，準備於第二戰場開闢後，呼應夾擊。故盟軍於法北海岸登陸後，俄軍隨即於六月十日發動夏季攻勢，首先於北路試鋒芬蘭，收復卡累利阿，突破曼納林防綫而佔領維堡，希特勒之北歐門戶遂告洞開。繼此而後，六月二十二日——蘇俄抗戰三週年紀念日，俄軍正式指向俄境中路之德軍發動攻勢，不二週即進展二百餘里，克復白俄羅斯首府明斯克，并隨之進入波蘭，攻下巴拉諾維基（Baranovich）平斯克Pinsk等地。自第三週起，更對明斯克以北以西地區，作扇形廣正面之推進，當時進展之速，有如秋風之掃落葉。至七月下

旬，南入羅夫，北抵東比亞里斯多克，其後又渡過維斯杜拉河，進攻瓦沙城區，八月初，俄軍一度衝入瓦沙東郊，以德軍大舉反攻，俄軍始被阻於外圍。

三、巴黎解放：東線既如是之疾進，爲配合同時攻勢之西線盟軍亦不甘落後，七月下旬，美軍首先發動攻勢，打開僵局，於掃蕩科登丁半島西端殘敵之後，立即越出諾曼第範圍，沿海岸向布列塔尼半島進攻，將布勒斯特，羅利翁，聖那最爾諸港次第克服，旬日間解放三萬餘方公里之土地。是時盟軍海岸綫擴充三四倍，兵員與物資均獲得大量增援，聲勢突張，遂轉師東向，其間雖德軍一度自法萊斯調遣主力急趨聖馬羅灣，切斷兩半島間盟軍之聯絡，但以布列塔尼半島之美軍已猛攻至奧爾良與沙特爾，楔入之德軍反陷入包圍而被殲。八月十五日，盟軍又於法南之尼斯馬賽登陸，此一行動之意義，不僅在取得意南法北各戰場之呼應，且同時加強法北，法南及意大利之攻勢。故盟軍於十七日攻下法萊斯後，十八日即攻抵巴黎。二十三日，淪陷四年又二月餘之法都，終於盟軍與法地下軍裏應外合下，全部解放。

四、英美聯軍進攻齊格非：巴黎解放後，美軍即越馬恩河進迫色當，再越法比邊境，攻指盧森堡，齊格非防綫之攻防戰於時開始。九月中旬此路盟軍開始攻入德境，指

向德之重鎮亞琛(Aachen)。而法境麥次(Metz)之盟軍亦向德之薩爾區推進。同時盟軍更於齊格非防線之兩端發動迂迴戰，南路於南錫(Nancy)之南進攻培爾福，北路則以大量空運部隊降落於荷之安亨(Arnhem)尼美根(Nijmegen)，企圖繞過德西牆之北端而直下萊茵，因德軍反攻，至九月下旬，安亨盟軍被迫後撤。此後經半月之鏖戰，北起亞琛南迄麥次，雙方均有激烈之苦鬥，主要為亞琛之爭奪。十月廿一亞琛陷落，盟軍遂擴大大亞琛之缺口，向洛安河進撲，指向科隆(Cologne)。

### 第三節 俄南下與德反攻

一、俄軍南下巴爾幹：反觀東線俄軍以德於波蘭正面之防禦能力增強，乃更東西向計劃，移師南下巴爾幹，北圍波羅的海。八月二十日起，俄軍於比薩拉比亞發動攻勢，於雷霆萬鈞之壓力下，羅馬尼亞投降。九月初俄軍又開入保加利亞，保亦締約修和，羅保全境解放後，俄軍十月初復與南斯拉夫解放軍狄托所部會師於南京伯爾格來德，更循由指向於捷克與奧匈。攻勢箭頭，分途前進，一路由波蘭經喀爾巴阡山進入斯洛伐克之東部，一路則進入匈境，於十月底迫抵布達佩斯(Budapest)附近，霍爾第政府經告



瓦解。

二、俄軍北向波羅的海：俄軍於北面沿波羅的海岸之掃蕩戰，則開始於九月中旬向愛、拉、立發動之攻勢，不一週即衝抵波羅的海海濱，愛、拉、立三京都，相繼解放。數十萬沿海區之德軍於十月中旬亦相繼被俄肅清，俄軍於十月下旬攻入東普，向英斯德堡 (Insterburg) 與哥尼斯堡 (Königsberg) 推進。

至十一月旬以，德西線盟軍發動大規模之冬季攻勢，戰線自荷安亨區域起迄瑞士邊境止幾達六百公里之長，兵力約在百萬以上。盟軍主要攻擊目標，為德之魯爾工業區。自攻勢展開後，此路美軍即抵洛安河，攻佔都倫 (Düren)，洞開通往科隆之大門。其由麥次進攻薩爾盆地者亦攻入德境，進抵薩爾河，圍攻薩爾布律根 (Saarbrücken) 極北端之於賣士河一線中擊者，英亦已進攻文羅，漸恢復安亨之優勢：極南端之由培爾福企趨多腦河上游者，美法軍已會師攻克斯拉特斯堡 (Strasbourg)，開始轟擊萊茵河東岸之德軍。東線俄軍又攻克匈京東北及東南一帶地區，雖德軍竭力抵抗，十二月下旬，俄軍已衝入布達佩斯附近。

三、德軍發動反攻：西線方面，德軍自十二月十六日起，在都倫至盧森堡之一

線，集中十五個師，三路越過比盧邊境，向比利時深入，一路迫抵法比邊境，一路攻抵繆司河，一路越盧森堡而至巴斯吞（Bastogne），廿六日盟軍猛烈反攻，接應堅守巴斯吞之美軍，與之會師，德軍突出部兩翼大受壓迫，交通口縮小十五哩，遂將主力撤回；但比境中部德軍仍繼續集結兵力，向比境腹地進攻，重達繆司河岸；同時德軍并猛攻薩爾河流域之美軍。一月三日美第一軍對德軍突出部之右翼加以反攻，美第三軍策應，壓迫德軍，退出比境，亞琛缺口，依然未能填補。東線方面自十月中旬以後，德亦集中兵力對中歐門戶之匈京與俄軍作激烈之爭奪戰，至一月五日，德軍乃被擊退，全部匈京遂為俄軍佔領。

德軍此次之反攻，主要在以攻擊破壞盟軍對西線突入之決定性攻勢，並擾亂盟方之政略決定，以圖延長戰局，觀望時機；雖云實區處此，不得不拼；但尚有力可拼，要亦無可諱言；同時盟國間軍事政治上之有懈可擊，亦於德以可乘之機。但以攻勢兵力之支細各路未能同時進擊，每路又無壓倒之優勢足以各個擊破；加以美英軍之增援迅速，德軍終被迫退回，並損失衆多之預備兵力，可云勞而無功。且此一反攻，本以西線為主，故英美對德，憎惡加深，促使羅邱尋史會晤以求調和分歧，則對德核心堡壘之圍攻，更

加堅決，又爲德始料之所不及矣。

#### 第四節 德核心堡壘之陷落

由於羅邱史克里米亞會議所決定對德最後軍事作戰計劃，運用兩線最大兵力，採取一致步調，予德軍以最後之一擊，使德無復有反攻機會，直至屈服投降爲止。此一最後階段之戰鬥，直至德核心堡壘之陷落，亦即對德本土之圍攻。

在東線方面，俄自一月初旬即集中兵力二百五十師，都三百五十萬人，沿北自波羅的海，南迄喀爾巴什山，分三方面，取多路縱隊前進，開始全面向德本土攻擊。計北路方面，以白俄第三軍約四十二師之兵力，沿波羅的海岸及東普魯斯，進攻哥尼斯堡（Königsberg）與但澤；中路方面，爲白俄第一第二軍約六十九師由波蘭中部攻擊波森，指向德東部要塞之佛蘭克福（Frankfurt）；南路方面，爲烏克蘭第一軍約九十師，分由波南，匈奧捷（七十師）斯洛伐克（二十師）攻德南部摩拉維亞與西里西亞，包圍德東南重鎮布來斯勞（Breslau），而堡壘核心之柏林，則爲三路總目標。

在西線方面，亦分三方面，即以德工業區齊格菲里防線核心之科隆魯爾區爲主攻目

標。計西路方面，以英加軍爲主約三十師，由德荷邊境進攻；西南方面，以美軍爲主（包括英法軍）約六十師，由德比盧法邊境進攻；南路方面則爲美第五軍與德意軍相持於意境西北部。此爲東西兩線俄軍與盟軍兵力之配置及其攻勢。

德軍對於此堡壘核心之防禦部署，係仍以東線爲主，約有一百六十師，西線次之，約爲八十八師；此外北線丹挪二十師，南綫意境三十師，控制之總預備兵力，僅約二十師。其兵力支絀之情形，已屬顯然。且同時東西兩線主力均在接觸，南北兵力，雖可抽調，但因交通運輸受盟空軍之破壞，不特大規模之反攻，已不可能，卽作持久抵抗，亦已日暮途窮，僅作絕望之掙扎而已。

對德核心堡壘之圍攻戰，開始於東線俄軍以波羅的海至喀爾巴汗山自波蘭攻向奧得河岸，與西線盟軍由荷德邊境迄瑞士邊境突破齊格菲里防線攻抵萊茵河。然後東西分渡奧得萊茵，向柏林長驅直入，他方面復迂迴捷克奧地利深入德南，搗毀納粹後方之根據地。柏林一下，全德均隨之瓦解。茲分別東西兩線述之：

一、東線俄軍：在一月底，北路已分途包圍東普魯士哥尼斯堡，封鎖西普海口但澤，中路波森大會戰已進行巷戰，大軍直趨奧得河柏林門戶之庫斯特林（Kustrin）與

法蘭克福南路。各縱隊分進合擊西里西亞首府布來斯勞（Breslau），並有越此直驅北進與中路合攻佛蘭克福之勢。

二月初旬俄軍復分八路全線進攻。北路除緊縮東普與但澤之包圍圈外，並沿波羅的海岸向西普之波米拉尼亞（Pommernia）推進而指向奧得河口之斯德丁（Stettin）。二月十三日攻克哥尼斯堡與但澤間之埃爾平（Elding），東普之德軍共約二十萬遂無撤退之希望。波森亦於二月二十五日完全肅清。

三月四日又攻佔考斯林（Köslin），但澤與斯德丁間之聯絡又斷。北路戰事至此已近末期，是後俄軍繼續進行包圍戰，直至三月三十日但澤陷落，四月十一日哥尼斯堡佔領，東普德軍大部就殲，戰事乃告結束。

中路俄軍於二月一日攻佔蘭芝堡（Landsberg）後，在東距柏林九十至一百哩處橫互四十二哩之戰綫發動攻勢。二月四日首次渡奧得河，佔領奧得河東岸上流各城鎮，截斷柏林至布累斯勞及德累斯登（Dresden）間之鐵道與公路交通，楔入德軍陣地，圍攻距柏林外圍三十哩至四十三哩弧形陣線上之庫斯特林，法蘭克福及德累斯登三據點。復北趨距柏林一百一十哩之斯德丁港，截斷波蘭走廊與但澤德軍之連絡。至三月十二日攻

陷庫斯特林，俄軍乃集結奧得河畔，準備作大舉渡河進攻歐洲堡壘核心之柏林。故自三月中旬至四月中旬一個餘日間，此路攻勢迄未發展，而轉向南路攻勢，二個月以來攻而未克之匈京布達佩斯，終於二月十四日完全佔領，俘德軍司令俾登布魯克上將以下十一萬人。此路大軍於三月下旬一部跨過捷克邊境，突入蘇台德區，一部則直逼奧京維也納。於四月四月佔領維也納新城，十六日攻入維也納，並繼續西進大舉進攻德南巴伐利亞(Bavaria)。俄軍此一攻勢轉向之原因，一由於東線中路，已攻達柏林外圍爲德軍堅強防禦主力所在，非有充分之準備不能再求進展；二以德南爲納粹後方之巢穴，須同時加以搗毀，始足以打擊其負隅頑抗之決心，而蘇俄並另具有獨自之政略目的，固亦顯然。

二、次言西線之攻勢：當東綫俄軍已攻抵奧得河，西線盟軍，尙被阻於萊因河西岸齊格菲里防線之外。故西綫之攻擊程序，亦分爲兩個階段，以突破齊格菲里防線渡過萊因河爲第一階段，深入德國心臟與俄軍會師，圍攻柏林爲第二階段。

二月初旬西線盟軍已發動攻勢，以六十師之兵力由德比盧交界處進擊齊格菲里防綫。二月六日突破第一道防綫。二月十一日蒙哥馬利再發動攻勢，攻陷齊格菲里主要防綫北端要塞之克利夫(Krefeld)，向工業腹地萊因魯爾區直進。二月二十三日美第一第

九兩軍復採取克里米亞戰略，以魯爾區科隆爲目標配合飛機七千架，發動猛烈攻勢。三月四日美第九軍進抵萊茵河，魯爾區德軍因受側面威脅開始撤退。六月美軍遂佔領科隆。九日科隆至杜塞爾多夫（Düsseldorf）全綫爲美軍佔領，德軍集結萊茵河東岸準備最後一戰。然十一日美軍卽已在科隆以南渡過萊茵，佔領累馬根與魯登道夫橋，建立橋頭堡壘。

同時美第七第三兩軍猛攻薩爾區，掃蕩萊茵河西岸。三月下旬以後，盟方五個軍遂分由魯爾區北部及美因茲以南大舉渡河。三月二十七日攻入齊格菲中心亦卽西綫德軍核心之佛蘭克福。同時美第七軍又於加爾斯盧合區渡河，兵不血刃佔中游重鎮曼海姆（Manheim）。至三月底，萊茵河東岸除南段斯特拉斯堡（Strasbourg）及科隆南北若干袋形陣地外，均入盟軍掌握。萊茵之戰至是已告結束，西線德軍亦呈總崩潰之象矣。

三、自西線齊格菲里與萊茵河之戰後：東綫第二階段之柏林圍攻戰卽起。四月中旬俄軍南路既獲極大成果，中路準備亦已完成，遂乘西線德軍崩潰之後，於四月十八日集中兵力一百五十萬，分爲九路，沿庫斯特林至法蘭克福六十哩長全面向柏林猛攻。德軍雖堅強抵抗，但以俄軍雷霆萬鈞壓倒之優勢，加以盟國強大無倫之空軍對德日夜不絕

轟炸，一切交通設備防禦系統均成粉碎。四月下旬俄軍即抵柏林近郊，初自西北至西南對柏林形成弧形包圍，繼攻抵西郊海威爾（Havel）河，完成四面包圍，遂進入於市街戰。

是時西綫方面，雖距離柏林較遠，而德軍防綫既已崩潰，盟軍渡河以後，遂以破竹之勢，長驅直入。除一部繼續肅西綫各處被困德軍，及美第三軍橫斷腰部深入德南，直達捷克邊境外，美第一第九兩軍直趨西北，進攻柏林西側外圍諸重要據點。如四月一日之進入海德爾堡，迫近卡塞爾（Cassel），四日之攻入閃斯德（Munster），八日即已進迫柏林外圍重鎮漢諾威（Honoer）與不來梅（Bremen）及不倫瑞克（Brunwich）。四月十三日美第九軍渡過易北河，至是柏林最後防線已破，十七日美軍遂迫近柏林城郊。而第二戰場開闢後，盟國人士所切望之東西兩線會師，終經十個月又二十日之戰鬥於四月二十六日由俄美兩軍在來比錫（Leipzig）東北地區而實現，盟軍兩線作戰，至此遂合而為一。

五月一日，國社發祥地之慕尼黑，為美軍佔領；二日，德北方重鎮之漢堡，為英軍佔領；同日，柏林全部，為俄軍佔領；從此德軍有組織之抵抗，已完全終止。



二 次 歐 戰 述 評

## 第二篇 二次歐戰結果

### 第一章 二次歐戰之尾聲

一、二次歐戰經過時間：自一九三九年九月至一九四五年一月，約為五年有半，其間最初之二年（一九三九——一九四一）為德國勝利之最高峯，可云無堅不摧無攻不克；幾以武力佔領全部歐洲，僅剩極西英倫三島與極東歐俄之邊緣，吞滅征服與控制之獨立國家，大小在十四國以上，暴力與軍威所震，全世界為之惶恐。及一九四一年冬季遭受俄軍於莫斯科之逆襲，德軍攻勢首次受阻；一九四二年斯大林格勒之堅守，德軍鋒銳再受挫折，而至一九四二年，冬季俄軍反攻，德國精兵為之擊退；一九四三年俄軍夏

冬兩季之出擊，失地幾全收復。故在此第二個二年中（一九四一年至一九四三年冬季）德軍攻勢雖再激再勵，而終於衰竭。過此以後一九四四年起，完全立於被動地位，採取守勢作戰，即所謂歐洲堡壘之防禦也，聲勢雖仍炫赫，但其先制已盡失矣。自一九四四年夏歐洲第二戰場開闢，受英美俄之夾攻，一九四五年初歐洲堡壘已到處突破，僅死守德士之堡壘核心——齊格非里防線，猶作困獸之鬥耳。

自東線蘇軍攻抵波羅的海波蘭喀爾仟山至黑海一線與西線諾曼第登陸成功第二戰場開闢及德國歐洲堡壘外圍之被擊破，繼之東線攻達奧得河至多腦河上流一線與西線渡過萊因河突破齊格非防線，續向堡壘內圍之攻入，以至西線會合，圍攻最後堡壘核心之柏林，二次歐戰已屆結束。當一九四五年四月下旬俄軍自奧得河大舉進攻柏林，盟軍渡過萊因河長驅直入之時，德軍有組織之抵抗防禦系統已經擊破，部隊到處崩潰，全國各線已呈分崩離析之象。除柏林已在圍攻摧毀外，尚餘意北，奧西、德南、捷西、柏林以北海濱三角地區及丹挪區域幾個不相連繫之袋形陣地。此等孤立之袋形陣地均在五月第一週內與柏林迅速同被殲滅。

柏林全城：自地面而以至於地下，雖均屬防禦陣地，而經盟軍不斷轟炸，尤以俄軍十

二日間逐街逐屋之掃蕩後，終於佔領。四月二十四日後，美第三軍總攻德南山地，二十五日攻佔烏爾姆（Ulm），五月一日，慕尼黑亦告陷落，二日漢堡爲英軍所攻克。

至意北戰爭，於四月二十二日攻佔波倫亞（Bologna），渡過波河後，即臨結束時期。二十八日熱那亞陷落，五月一日英軍進入威尼斯，德軍瓦解。

綜觀各線德軍：殆與五月二日柏林完全佔領之同時失去抵抗力，在德政府尚未正式宣佈無條件投降以前，各線德軍已紛紛向盟軍投降。計德南、奧西、奧北、義北降軍約達一百五十萬，西北歐亦逾百萬。武力既已消滅，彼戰爭禍首，末日亦隨之來臨。法西黨魁莫索里尼於四月二十六日在意北米蘭被俘，二十八日爲人民處決，暴屍街頭。國社首領希特勒於五月三日經德公布已戰死柏林，惟屍首迄未發現。至以二次歐戰兩大禍首，已先歐戰爭而結果。國社黨之組織亦經盟軍於五月十二日宣佈解散。歐洲法西國社體制至是已經摧毀，全德置於盟軍管理之下。

二、總評德軍作戰以來其中過失：同屬很多，已如本篇前此論列；而致命之傷，則爲軸心之間未能協同，以及對俄軍備估計，失之太低。

軸心陣線，根本爲利害之結合與機會所造成，彼等猜忌之心理，已蒙蔽合作之功用

：因此貌合神離，南韓北轍，背離軸心原意。溯自軸心成立之初，德未通知日本，即與俄訂互不侵犯條約，日本感受欺侮，亦與俄締中立條約，此時德日軸心可云名存實亡。及法淪陷，英倫被圍，俄國旁觀，美國振動之際，乃德義軸心最佳態勢，若能密切合作，對法行動一致，誘脅加入軸心，協力圍攻英倫，或攻擊地中海岸，迅速以支解英國，均可決戰；其時美國，雖欲援兵，但其軍備擴充，尙未完成；加以日本復於太平洋向之襲擊，更不及參加歐戰。此時德義若能與日一致，承認西歐淪陷國家之殖民地轉讓以誘日進攻印度，德義出地中海由中東協攻，則軸心在印度會師，當有可能。如此則俄國已陷於三面包圍之窘境，軸心對俄，可以控制自如，大可不須作戰。

終以軸心同床異夢，對法貪得無厭，不能取作附庸，對南歐北非，義則視如禁衛，而畏忌德之染指，獨力作戰，終至無功；及不得不允德兵援巴爾幹，俄已陳兵於邊境，使德側背大受威脅；乃又放棄地中海兩岸，對英可以決戰之目標，而轉鋒對俄，換一不易決戰之目標；德既攻俄，義即勢孤，日本仍維持中立，而任俄轉用亞俄大軍，馳援歐俄，造成斯大林格勒之偉績，以及英美北非之大勝；從此德軍聲勢大挫，主動勝利之機，已逐漸轉入於盟軍之手。

固然德軍統帥部對俄攻擊，本爲有限目的之作戰，即驅逐俄國勢力於歐洲以外，駐兵莫斯科之線，加以監視，卽爲已足；但對俄軍實力估計，亦未免太不正確矣：原以德國閃擊戰之指導原則，向以壓倒之優勢三倍以上兵力（包括火力運動力與數量）尋求敵人弱點加以迅烈連續之攻擊。歷觀德軍，對於過去作戰準備，均較所有對方，立於絕對優勢，但與俄軍相遇，德國陸軍，並未佔有壓倒優勢，僅在火力與運動力上，稍佔優勢，而在數量上則爲絕對劣勢；再加俄國戰場之廣大無限，德國距離其策源地之愈趨愈遠；尤其空軍數量，不足分配；在戰略上，既不能以破壞俄軍航空工業與空軍基地，以掌握制空權；戰役上，又不足以破壞交通轟炸基地以阻止紅軍動員集中運輸補給；戰術上雖有小數俯衝機，但無充分之陸軍協同機隊參加地面攻擊，以破壞對方防禦系統；而俄對於地面攻擊之機種，反較德爲優越，如衝鋒攻擊機，戰車攻擊機等；至於俄軍步砲兵之強弱與衆多，反戰車戰法之層出不窮，更出德軍意料之外。

苟德對俄估計確實，並能保持閃擊之壓倒優勢，第一次夏季攻勢，俄京卽能佔領；則其最初之作戰目的，期於短期內逐俄於歐洲以外，加以監視，然後再圖英倫，當仍有獲勝希望，苟無壓倒蘇俄之優勢，則一意攻擊英倫，保留巴爾幹問題，與俄緩衝，則最

後勝敗之數，亦不可知。無如素稱情報確實，計算精密之德大本營，而獨對其生死攸關之勁敵，未能做到也。及莫斯科紅軍出擊，蘇聯後備軍之增援，繼長增高；再加美英武器與物資之援助，紅軍實力，仍屬龐大絕倫；德軍勢成騎虎，明知優勢已不可維持，仍循閃擊戰原則之弱點，輕易變換目標，竭盡兵力，繼續挹注，而為紅軍逐漸所消耗，終成強弩之末；以後雖求保全歐洲堡壘，已不可得；遂至死守國土，聽任盟國陸空軍打擊，終作無條件之投降。

三、無條件投降：當柏林已臨陷落之際，國社政府尙圖施用離間陰謀，於四月三十日由希姆萊單向英美盟軍提出無條件投降要求，而表示對俄軍繼續作戰，當為盟軍統帥所拒絕。五月三日德海軍上將杜尼茲宣佈希特勒戰死柏林，自任德國元首，猶稱德國仍繼續為抵抗布爾塞維克而戰，英美如予阻礙，亦將作戰到底。但此時俄軍既已完全佔領柏林，各線德軍紛紛集團投降，杜尼茲知大勢已去，乃於五月七日下午令全線德軍一律停止抵抗，接受無條件投降。次日簽立投降書，舉行批准儀式，英美俄三強正式聲明歐戰宣告結束。

同時根據克里米亞會議所決定管制德國之原則，在德國正式政府未產生，和平會議

未舉行以前，由英美俄法四國所組織之管制委員會，按各自佔領區域，實施分區管制，將德全國之軍事以及政治經濟社會治安等一切公共事務均置之於管制委員會軍事控制之下。從茲以後，二次歐戰已隨德國淪亡由軍事問題進入於政治問題，而與戰後歐洲以至世界問題展開於國際政治舞台矣。



## 第二章 又從軍事到政治

克勞塞越子謂：「軍事爲政治之繼續」，而政治亦爲軍事之繼續。誠以一切戰爭無不有其結果。戰爭結果者，卽軍事行爲告一結束，又轉爲政治行爲，以求戰果之長久把持；若一旦戰果不能把持，則復繫之於軍事。由於此種軍事與政治之交替使用，遂形成爲人類歷史上戰爭與和平治亂循環之現象。

和平與戰爭終究爲人類史上連續不斷發生之事實，且隨歷史之發展與文化之進步，愈演愈烈。上次歐戰後所獲短期間之和平，無甯稱爲戰爭之準備。愛好和平厭惡戰爭固爲人之常情，而和平必須建立於人類相互間自由平等博愛之基礎上方能永久。然自有史以來，人類社會卽悖離此種和平基礎，而所謂和平，僅寄存於互相征服或彼此均勢之關係上。少數強有力者對於多數弱小者之壓迫榨取奴役剝削，與後者對於前者之反抗與敵對，遂不悖背人類之常情，而終以兵戎相見。

在強權者心目中，本無所謂戰爭與和平之分，卽均爲達成其壓榨剝削之目的，而戰

爭與和平，祇爲達成此種目的所用兩種不同之手段而已。強者固願以政治和平之方式獲得其目的，但至和平不能維持或不適用時，卽改取武力之手段，並藉武力更擴大其強權與加深其剝削之成果。和平與戰爭之交替關係，亦卽政治與軍事之交替關係，要均爲強者對於世界略奪所造成之現象。正義之人固反對此種恃強之戰爭，亦反對此種武裝之和平。誠以真正之和平，乃使全人類躋於自由平等博愛之和平也。

近百年來國際間層出不窮之戰爭，要均屬於列強爲掠奪世界弱小民族卽殖民地所引起之戰爭，而所謂和平，則無非爲戰勝者採取會議、條款、均勢、緩衝、同盟、協約等外交政治手段，以維繫其外貌；藉以長久把握其由戰爭所攫奪之成果而已。

上次歐戰遍及世界，兵連禍結，亘四年之久，理想主義者圖謀整個世界問題之解決，以期從此建立永久和平，於是有威爾遜十四條之宣言與國際聯盟之設置。不幸威爾遜之理想終成泡影，而巴黎和會終不免爲分贓殖民地之會議，國際聯盟遂爲強權者之獲身符。

戰後二十年間，在英法諸國方面，雖始終欲以政治方式，謀國際衝突之解決與世界秩序之維繫；而彼不滿現狀之德義諸國，則力圖解除凡爾賽條約之束縛，排除國際聯

盟之障礙，一九三〇年後，國際約章紛紛爲所扯毀，同時對於弱小民族更橫肆侵略。

從此政治方式既不能生效，乃復訴之於軍事，二次大戰於焉爆發。二次大戰既標榜爲民主對極權，同盟對軸心之戰爭，當不能與第一次大戰等量齊觀，羅斯福所號召之「大西洋憲章」及其所策劃之「世界聯合國」，更有別於威爾遜之十四條與國際聯盟。戰爭期間，各國領袖之一再會議，除關於軍事部分外，要置重於戰後國際政治經濟問題之解決與永久和平建立之研討。

現在德義軸心業經摧毀，二次歐戰業經結束，二次世界大戰已完成一半，東亞戰爭亦臨末一階段，作爲戰後建立世界永久和平機構之舊金山會議，且已開幕多時，世人對於此人類歷史上劃時代之改造，誠莫不寄與無窮之期望。

有史以來世界人士關於建立永久和平之理想與原則，已有不少之意見，尤以近百年來爲盛，而和平機構之見於實際者，並已有多種，行將解散之舊國際聯盟，在第一次大戰後，固一時曾爲世人所期望爲維持和平最完備之組織；然而至今已如過去一切和平運動與機構，祇留得歷史上失敗之陳跡而予後人與嚴酷之教訓。然則此次戰後和平，又當如何？試略言其籌議之經過。

現在國際政治，有兩重矛盾之目的：一為建立世界和平秩序之一般政治目的，與另一具有破壞世界和平秩序之個別政治目的，合而成爲此次戰爭前後國際政治活動之兩面。大戰發生前後，美國曾致力於英法俄諸國之團結未成，再奔走於最後之和平運動又敗，終至自身亦不得不放棄孤立政策而投入於戰爭。然爲爭取勝利，必須加強團結，以求政路目標與戰略計劃之一致，爲把握勝利之果，猶必須預籌戰後世界之改造與和平之建立。自一九四一年八月十四羅邱宣言以迄於舊金山聯合國會議開幕，各大國間多次正式與非正式之協議集會，要均具有此戰略與政略軍事與政治，戰爭與和平，雙重性之作用。惟其中在一九四四年八月頓巴敦橡樹會議以前者，概以軍事爲主，關於戰後政治與和平之提示，僅爲抽象之原則與理論。自此次會議以後，即轉以建立戰後之政治與和平機構爲主，並由理論而進入於具體。但其中一般政治目的與個別政治目的之矛盾，亦由是而更加具體。此列強對於世界和平會議未得一致之主因也。

一、大西洋憲章：戰後世界和平機構之建立，其於最初之羅邱宣言，即所謂大西洋憲章是也。宣言之要點：(1)不擴充領土。(2)領土變更必須取得有關民族之同意。(3)各國得以自己之意志，以決定其所認爲理想之政制。(4)各國對於國際貿易與原

料之取得，均有平等之機會。(5)促進各國間之經濟合作。(6)全人類均應安居樂業，生活不虞匱乏。(7)海洋航行自由。(8)各國必須放棄使用武器，侵略國之武裝，尤應解除。此時為同盟各國受軸心威脅最甚之時，個別政治目的同受危害，故英美兩國乃就一般政治目的而作共同之宣言，亦即最初步與最理想之和平理論也。

二、聯合國宣言：繼由大西洋憲章擴大而為一九四二年元旦中英美俄及其他二十餘國共同簽署發表之聯合國宣言。及一九四三年十月中英美俄四外長舉行莫斯科會議，更根據上述宣言之原則，作成建立和平機構之初步協議。期於「最早可能實現之日期，成立一普遍國際之組織，以各愛好和平國家主權平等之原則為根據。……以維持國際和平與安全。」並聲明「彼等在戰爭終止以後，除非為實現此宣言之目的，並經共同會商後，不得在他國土地內使用其武力」。

三、德黑蘭會議：一九四三年十二月羅邱史舉行德黑蘭會議，關於戰後政治，宣示：「吾人於和平方面已確定吾人之和諧一致，吾人將產生永久和平……此和平將獲得全球絕大多數民衆之擁護，並在未來許多世代驅逐戰爭之禍患與恐怖。」其予戰後和平與國際機構建立以有力之保證，更不待言。吾人對於此一建立世界永久和平之理論與國

際機構之原則，不欲有所置論，惟由其涵義之廣泛，遂不免因軸心軍事之衰退，國際形勢之變化，與各國個別政治目的之抬頭，予以相異之解釋。

各大國對於憲章原則解釋紛歧，固無論矣，即如羅斯福對於憲章之實際意義，竟亦表示懷疑，且有不能立即實施之宣告；至於各流亡政府與地下軍所建立之政權均在大國干預支持之下而兩相對抗，以及英國公然以武力干涉希臘之政爭，尤為大西洋憲章原則上之所絕不容許；而此種與原則相違背之事態與問題更接踵而來，然則其將何以維持憲章之尊嚴與作有效之實施乎？

四、頓巴敦橡樹會議：一九四四年夏季，第二戰場既順利開闢，對德戰爭已轉勝利階段，和平機構之應由原則提示進而為具體之籌備與協議，實不容再緩。於是八月間在華盛頓頓巴敦橡樹園分美英俄與美英中兩階段舉行會議，共達一個半月之久，擬成國際安全機構建議案，作為將來聯合國全體會議討論之基礎。

五、雅爾達三頭會議：本年二月上旬羅邱史又在克里米亞之雅爾達舉行三強會議，決議於本年四月二十五日舉行聯合國會議，即依據頓巴敦橡樹會議之建議案，訂立國際組織之憲章。在此二個月零十日之內，對德戰爭，急轉直下，舊金山會議前夕，柏林

已在四面包圍之中。

六、舊金山聯合國會議：如期舉行，十二日後，德已無條件投降，迄今已越一月，尙未閉幕。在此一月來會議中所接連發生之問題與聯合國之組織，不欲多所詳論。總之，一切難解決之問題，惟希望由三強諒解與協議之下而獲得解決。

所不幸者是作爲此次大戰勝利引導者與世界和平主倡者之羅斯福大總統，竟於舊金山會議開會前十日溘然長逝！和平機構建立雖不致因而受阻，然亦不能謂無影響。蓋以此一目光如炬之卓絕大政治家，苟能始終把握一般政治目的而抑壓個別政治目的，世界和平自必較久也。

固然一切和平會議，均爲戰爭之必然結果，均可得到結束；聯合國亦可由是成立；至於此一機構將來是否能切實遵奉向所標榜之原則，担負其維持世界正義和平之使命，犧牲個別之政治目的而成全一般之政治目的，則事實勝於雄辯，惟有待歷史之證明。

回溯第一次歐戰，本由帝國主義者爭奪殖民地與霸權而起；二次歐戰仍爲上次歐戰之繼續，經過五年有半，結果：除德義崩潰，英法削弱，俄美稱雄外；對於霸權或勢力範圍之爭奪，僅有轉替，並未停止；對於世界殖民地，仍在壓迫，更未解放；和平機構

，現亦成立，亦仍爲強權政治之武裝和平與劃分勢力範圍之暫時均勢，距離正義和平之途甚遠。然則今日之戰爭原因，縱有和緩，迄未消除，今後之戰爭爆發，容有遲速，終將不殆？亦惟有待歷史之證明。

（第一卷完）

後記：本書於一月間附印，五月方始出版，而歐戰已經結束；乃就印出之第一版第二篇，改其第五章，及第三篇全部，餘均仍舊；故前後語氣，或有未能完全吻合者；同時錯字太多，勘悞不勝其繁，均俟再版更正。